



ル 5
3134
4



門 5
號 3134
卷 4

南溇志卷十五

里人周慶雲纂

寺廟四

圓通庵 在北柵唐家兜

明華士嶼十六夜同孫魯生集圓通庵天街洗夜色空翠
襲人衣桂馥初飄細簫聲遙度稀半庭禪榻冷千頃漾波
微爲愛明河粲三星墜未歸

又題圓通庵泉上人房寄適依名刹幽齋隱市塵經殘祇
樹冷磬寂法幢偏有榻能消晝長貧不礙禪盆魚窗草綠
春半亦知年

王翰青題敏公禪房二首宛宛風幡坐日遲石欄秋色養

幽姿不知何處軒臨水水部當年也賦詩明華士嶠官工部主事集有題

圓通臨水軒壁詩 淨埽機心慵對弈斷無塵事淡評茶近來朋

舊凋疎甚更借孤清破幻花

又湘月圓通庵明學上人賞菊和華拙存霜林踏葉繫秋

光淨綠尙團初地高下香臺分寶座花也總耽禪味黃現

金身香浮銀界豔豔僧衣紫賦詩可否已公茅屋今是

正好畫竹燒蘭評茶勸酒斜凭烏皮几翦翦西風塵不到

不減東籬幽致埽石安琴褰簾待月清絕人間世更暇繡

佛小軒何處臨水臨水圓通軒名今圯

徐延祺同人集圓通庵賞菊阿蘭看菊集嘉賓秋與僧寮

替寫真醉裏詩篇懷易壯定中花事不宜春霜螯出釜剛

身 登几寒螿餐香亦近人笑我周何終歲累纔從初地駐吟

北林寺 在北柵葫蘆白場西原名善寂庵俗名北聖堂一作

北勝堂一作八勝堂有古井一口取北方真武制火之義嘉

慶初重建咸豐時粵匪踞廟中故未被燬同治八年重建文

昌閣

雲興寺 在北柵外北迴橋東宋元祐中建元末燬明萬曆十

二年復建 本朝順治八年重修咸豐時燬光緒十六年重

建寺旁有雲興閣董漢策建久圯見汪志古蹟

董漢策重修雲興寺碑記文見碑刻

方燾北迴橋廟何年留古寺寥寂少人過碣斷埋荒蘚垣

顏胃碧蘿棟簷蛇蛻在經帙鼠痕多欲識無生旨須參四大魔

金仙廟 在北柵外李家河

大通庵 在北柵外北斜河

太平庵 在北柵外拜三圩

聖塘庵 在北柵外江家兜

永壽庵 在北柵外稽五漾東岸俗名北廟

南聖庵 在永壽庵南俗名南廟

長壽庵 在北柵外福星橋港內

已上北柵及柵外僧寺

隨糧王廟 一在東柵口明通判張祐創建俗稱東總管堂乾

隆十一年重建道光中重修稱道院堂後西偏有樓曰留雲

閣見宅第沈登瀛留雲閣圖記咸豐時燬光緒二十四年重建一在南柵

口亦張祐建俗稱南總管堂乾隆中修咸豐八年重修增建

後殿後燬同治五年重建一在東柵御河橋上明建乾隆時

火燬神像移置船場浜留嬰堂內今廢一在南柵太君堂內

同治中建

張鳴鈞募修南總管堂引節錄潯有東南兩總管廟據舊聞

皆元時以護漕丕著靈應沿明至 本朝廟名無改而潯

之捍災降福阜財裕民尤捷若桴鼓故香火報賽極盛年

來東柵之廟里人既鳩工增廓而南尚有埃焉余居界潯

市東南之間今年 恩命歸里深願時和年豐與父老詠

歌太平迓神庥以答 主眷適里人咸願新南之廟如東
制者乞余爲引吾知同里必有踴躍布金者夫豈等叢祠

野廟之荒談也哉

汪志按文獻張志並云張祐創
建此文作元時所創疑出傳會

華萬九重建隨糧王廟碑

文見
碑刻

曹仁虎潯溪竹枝詞總管叢祠七夕開瓊簫幾曲做樓臺
如何但識錢神貴不向天孫乞巧來

晏公廟 一在東柵懼一圩祀水神平浪侯一在西柵垂虹橋

上跨街建造乾隆十七年燬

廣惠宮 在南柵俗名張王廟宋治平間建元時鎮人錢清甫

重修明嘉靖四十年重修萬曆四十八年傾圮朱董二氏重

修天啟七年董惇儒增建玉皇閣崇禎十年雷火燬 國朝

順治十五年重建康熙中江蘇布政使慕天顏與鎮人董漢

策復建彌羅閣一名太微閣上奉玉皇中供斗姥宮之南嘉

慶初建東嶽殿其北爲祠山殿今改奉爲湖州府城隍殿而

供祠山大帝於雷震殿西南有竈神行宮咸豐時燬同治七

年重建東嶽殿府城隍殿光緒二年重建三清大殿

按宮內
三清殿

供奉萬歲龍牌爲朔
望行香祝釐之所

張初龍重建張王廟碑記

文見
碑刻

談九乾廣惠宮碑記

文見
碑刻

董友松廣惠宮卽事 翛然滌煩慮紺宇坐談元鶴舞迎三

素簫聲落九天惠風寒食後芳樹暮春前莫道蓬山遠昌

陽可引年

紀復亨廣惠宮白藤花醮壇月上禮元君鶴髦瑤簪次第
分素笈曉披明寶字玉笙夜吹落晴雲人間紫粉徒誇豔
仙觀瓊花合作羣應是蕊珠宮裏種諸天供養靜氤氳

范錯潯溪紀事詩珠宮紺宇奉三清道院修真羽化輕試

向玉皇高閣望恍聞雲外奏鸞笙子友施北研國祁述其尊甫樺林先生云廣惠

宮俗稱張王廟故老傳始于宋時廟止一殿奉祠山神像
為道流香火之所元人始立外門堦王靈官像內向持鞭
而立如釋氏伽藍法至明時里人有見靈官怒色示夢曰
廟門像設當外向而坐可急改之否則焚之矣眾以妖夢
置之未幾殿門並燬啟禱間里紳董氏復建正殿易奉三
清增置後殿為玉皇閣移祠山神于正殿之右外門改堦
靈官像外向揚鞭而坐規制闕徹迄今如舊予思額稱廣
惠而無敕牒者殆里人私奉崇甯錫號未經申請故流俗
止稱張王也

董蠡舟孟冬二十一日晚入廣惠宮石壇幡影颭玉座蘇

衣封畫牘開元跡碑迷薦福蹤壁畫采藥山人國初人筆宮於明季為雷火所燬

頽陽明紺宇急景迫元冬安得桃千樹尋春策短筇

又潯溪棹歌七人八穀過匆匆約伴燒香廣惠宮勝概絕

殊南渡日太微閣迴嶽祠雄俗以正月九日為玉皇生朝郭象睽車志載淳熙辛丑吳

江陳布袋為冥吏誤攝放還恍惚至潯溪見嶽祠甚雄潯溪素無嶽祠心獨怪之云

丁蟾廣惠宮道師毛樸菴表兄輓詩刻髫齡曾記侍參玄

余幼從先君子數過周師瘡贅餘生悵昔緣一種丰神原

似舅兄與先君子為嫡兩塵睽隔竟難仙補閒君恨閒猶

未周師著有補閒集君負俗吾慙俗尚牽遙邈前型都已

渺洪崖何處得隨肩八秩全真得返初十月九日卒神

旛妙諦不傳書兄有神旛巧結百年縱復乘朱鯉六合名

空思輓白驢暫寄塵蹤留不壞豈矜幻術博虛譽玉皇案
下葵忱愬頓異當年月露攄

蠶神祠 一在南柵廣惠宮北道光中建咸豐時燬於兵同治
六年重建一在東柵青華觀內道光中建咸豐時燬於兵同
治七年重建一在西柵妙境庵東咸豐七年建後燬

三元閣 在南柵定心橋上咸豐時燬於兵同治六年重建
城隍廟 在南柵箋一圩乾隆時建咸豐時燬於兵同治三年
重建

董兆元代募建城隍廟引節潯南青華觀規模視諸佛寺
為隘有堂三楹中奉太乙真人而烏程縣城隍神像在其
左廡風雨剝蝕往來睥睨余顧而歎息方思所以妥吾神

者適巡司裘君與紳士等謀于觀旁隙地別構殿宇奉神
像其中相率來請于余爰捐俸以為之倡汪志按此文代
通判愛山作

丁桂重修城隍廟後軒記文見
碑刻

青華觀 在南柵城隍廟東康熙六十年建道光十五年重建
咸豐六年重修中有太乙殿蠶王殿旁為漏澤園咸豐時燬
於兵同治七年改建為師善堂而樓上仍奉諸神東南田中
有眠牛石

范錯潯溪紀事詩道觀青詞奉紫垣步虛聲裏月臨軒何
時一片眠牛石留作人間漏澤園

紀磊眠牛石長生橋畔草萋萋布穀聲中水滿隄何事貪
眠鞭不起懶隨黃犢負耕犁

董恂潯溪棹歌踏青鬪草事都非三月東風絮雪飛此日遊人謀野醉青華觀外菜花肥

坎離宮 在南柵卽積善庵故址俗稱火神廟咸豐七年建隨燬光緒六年重建

東林玄妙宗壇 在南柵報國寺後光緒四年建并開井兩口十七年重建

慈雲道院 在南柵外茂任灣

文昌閣 在七里村池亭廟左今廢址尙存

已上道觀

解脫庵 在東柵皇御河西廢爲民房已久

草庵 在東柵外下塘今圯

董漢策潯東草庵募引梵行之盛利在增崇像法之衰利在澄汰蓋擇焉不精則反滋擾亂如獅子身中蟲自食獅子肉曷若釐剔爲善道也然而五濁泥深能出者少彼丈夫猶爾何況巾幗脫令捐諸所有獨踏大方卓犖自命于雲霧之表十方薄伽梵必盡稱歎豈易及哉潯東偏草庵女僧現比丘尼身力鬪五濁作象王嘖呻此殆欲增崇梵行者耶余謂今以後當究明性命嚴淨毘尼奉身如頭陀然後可以紹慧命扶像法萬勿優游縱恣勞心于利養名聞爲護持真乘者所笑

朝運庵 又名潮音庵在東柵烏朋兜明朱國禎建 國朝咸豐時燬於兵同治中重建

斗姥閣 一名太君庵在西柵垂虹橋南堍咸豐時燬於兵同治初年重建

長壽庵 在西柵長壽街咸豐時燬光緒十八年重建

普濟庵 在南柵巡司署對河乾隆壬午里人重修改名吉祥

庵俗稱小廟咸豐時燬同治中重建

蓮界庵 在南柵蓮界街明陸充孚字劒池妻吳氏因無子建

觀音堂於祠墓之旁為夫婦焚修之所歿後葬庵南延尼姑

主之供奉充孚夫婦神位歲時祭享其墓庵基賦稅迄今歸

陸氏公堂完納采陸氏家譜

望海庵 卽望海觀音堂在南柵明董氏建 國朝咸豐時燬

於兵同治中重建十年三月二十二日大風屋圯後重修旁

有魯班殿總管殿

水月庵 在南柵咸豐時燬於兵

太君堂 在南柵咸豐時燬於兵同治十三年里人周昌大釀

資重建光緒中增建壽星殿

董恂潯溪棹歌昨夜熊羆入夢無笑郎先寫弄璋圖太君

堂裏祈男去楊柳腰纖倩婢扶
太君堂俗呼阿太堂前

壽慶庵 在南柵太君堂後今廢

萬古庵 在南柵咸豐時燬同治中重建宣統三年因事發封

今改為第二小學校舍

壽星閣 在南柵觀音街西南光緒元年建按此廟為閩秀潛修之所

積善庵 在南柵報國寺之南康熙四十一年修乾隆中復修

久圯今建爲火神廟

積善庵刻石文見碑刻

計士枚募修積善庵引節吾潯雖市鎮而水陸輻集走利區也間者創留嬰堂以恤孤起金剛會以懣死蒸然競興于善而官顯于朝士充于秀商阜于財農豐于穀天亦若陰隲吾潯是可知所以衍其慶乎潯之南有積善庵住尼皆力行清修日久將圯謀所以新之籲于眾而恐其難索引于余余曰是不難師但以積善二字爲勸潯之仕商方競于善庵名積善必有樂施而布金者

秦庵 在孫家壩明朱國禎姪媳秦氏建咸豐時燬於兵後重建

萬善庵 在北柵明天啟間建俗稱萬壽庵咸豐時燬於兵僅存大殿光緒初年次第重建庵分東西二房東房於光緒三十一年遷出房屋助入師善堂現改設西北小學西房於宣統二年因事被封房屋撥歸巡警局

董漢策萬善庵碑記文見碑刻

般若庵 在北柵外下壩俗名新庵董漢策母顧氏建咸豐時

燬同治五年重建

董漢策致女師一夔啟節錄般若禪院創自先慈既捨宅爲

覺林復表闡于鹿苑飯僧施脫粟供眾置閒田其來久矣住持義川禪師闡第一義于茲不意色身多厄病輒經年心思退院伏望飛錫遙臨俯念同門之雅俾川師得謝事

優游敬申懇告想沐俯俞

董涓遊般若庵魚鱗細水環村斜寒塘處處鋪銀沙溪邊
老樹葉初脫時露茅屋三兩家沿流直到般若寺寺中閨
寂無諠譁恍然此身入幽谷地偏已覺遠塵俗峩峩高殿
如翬飛四面朱闌圍曲曲寶幢十幅颺松風雲廊一帶飄
金粟憶昔先人到此間相隨賓從何喧闐竹葉盈尊奏銀
管落花滿地浮茶煙十五年前同一夢堂堂歲月如梭穿
追思往事空回首欲洗愁腸無斗酒同行還幸有嘉賓高
談令我開笑口晚來攜手出庵門惟見殘陽挂疎柳

穀豐庵 一名猛將堂在北柵外下壩同治中重建

董蠡舟溇溪棹歌樂歲家家有蓋藏何為重利遠行商禱

風郎詣晏公廟祈穀儂趨猛將堂俗祀劉猛將神乃宋劉銳也主驅蝗蝻

新庵 在西柵外方丈港東明里人朱姓所建久圯

佑聖庵 在北柵外李家河

聖堂庵 在北柵外苧葉灘同治十年重建宣統元年修

大師庵 在南柵外大師兜

已上尼庵

南溇志卷十五終

邢典南林雜詠尚有荒祠在拜瞻仁福公昔年征亂首禍起漆園中

朱文公祠 在南柵蓮界街新安會館後祀宋朱熹謚文公

楊文公祠 在西柵外楊灣宰三圩祀宋工部侍郎浦城楊億

朱進士祠 在西柵妙境庵內明萬曆中立祀宋進士朱栴後廢

褚公祠 在西柵外閔家兜褚家墳元元統元年立祀教諭褚

天祐久圯

元褚錫瑜褚公祠文見碑刻

胡安定公祠 在西柵外胡家兜糠二圩

董宗伯祠 在東柵總管堂西祀明禮部尚書董份俗稱東祠

堂咸豐時燬

方穀董溥陽宗伯祠飛簷題額字蕭森宗伯叢祠俯水潯

想見青詞歸講殿猶疑白髮動華簪木鐘曾許醇儒望宗伯

為唐一庵高弟木鐘荆石偏高國士心王荆石相國為門

臺集語錄屬為訂定目剩有家聲垂博物百年耆舊說梅林下士宗伯有國士

朱文肅公祠 在妙境庵兜祀明大學士朱國禎今圯

董蠡舟謁朱文肅公祠堂寒泉手瀹薦溪蘋欲借闍言揭

榜新五字榮逾華袞錫大書此老亦邪人

董進士祠 在東柵下塘祀明進士董嗣昭俗稱三祠堂咸豐

時燬光緒中重建改為宗祠

王太守祠 在東柵極樂庵西祀康熙中湖州府知府奉天王

以巽嘉慶十年圮

汪志按范志作極樂庵東疑
譌蓋卽在庵西留嬰堂中也

鄉先輩祠

舊在祇園寺義塾硯冰精舍樓左稱先民祠道光

戊子里人公設鄉先輩祠於妙境庵祀 國初孫孟樸以下

凡若干人至咸豐九年祀鄉前輩及寓賢自元至清凡四十五人額題先民在昔四字庚申燬於兵同治季年重設於馬家港潯溪書院中今又移至報國寺奎光閣下

孫燮妙境庵祭鄉先輩記潯鎮鄉先輩之祭始于戊子之歲是時眉庵之亡逾年矣山甫哀之甚思所以妥其靈者予謂北研書城兩先生亡已數歲數數見之夢寐是宜並祀以致思慕之意于是山甫爲祝文柳橋辦祭物祭于妙境庵中實正月十日也祭畢就柳橋家飲會者十八人明年

己丑正月十五日予方治蘋蘩之薦邀同人以繼前事而秋水張先生適至遂欣然與于會先生爲吾潯耆宿與北研書成兩先生同輩行而眉庵則其後輩也因思先生之友更有楊先生秋室而先生主祭則鄉之先輩宜及乾隆以上之人于是同人合議斷自 國初始孫先生孟樸以下凡若干人咸設位虔祀會者十二人飲于予家是日議定頃刻故祝版未備越明年庚寅眾謂公祭不可取辦于一人釀錢付庵僧某使之主辦于是會者十一人秋水先生爲之文仍于正月十日設位祭焉祭畢卽飲于庵中極歡而散先是己丑之會予爲長排以紀事是日又作五律一首秋水先生亦和焉而秋水先生善繪事爲之圖粉墨

瀟灑禪房花木中十一人者呼之欲出圖存柳橋處庶幾
什襲藏之爲他日之鴻爪眾又謂庵僧主辦事不可繼遂
定于明年辛卯始推二吳子柳橋與子四人者爲主輪年
司祭而諸友各醵錢以助設一冊諸先輩各爲小傳而與
會者亦書字號年齒于其中凡飲酒毋拇戰毋喧譁諸所
禁忌咸著之冊以昭永久茲祭之始爲亡友眉庵也因友
而及師遂祭北研書城兩先生復推而上之至 國初以
來諸先輩世不同而道同其神交冥契無非師師而友友
或曰取友之道由一鄉而一國由一國而天下而後尙友
古之人焉業尙友古之人矣而仍限于一鄉何哉蓋求古
人于百里一賢千里一聖不如近在鄉里者其流風遺韻

尤足以動人古之釋奠者必有合而有國故則否亦此意
也嗚呼吾儕十餘人者其平日之所講論固鄉里之人所
笑爲迂而不欲與近者也而深相契合不得不求之數百
年以上之人而數百年以上之先輩其當時之人亦必見
以爲迂而遠之而豈料世遠年湮乃有吾儕俎豆于僧廬
之內是可知士苟同志曠世相感而古今旦暮益信吾道
之不孤矣戊子之會十人爲許海嶠且復金山甫錫桂吳
芋園鈞臺吳半峯汝雯紀半虔慶曾沈柳橋登瀛沈子敦
圭紀石齋丁子香桂而子孫煥愈愚也已丑得張秋水
先生鑑而芋園遠出不至海嶠挾陸鷗波徐印泉至爲十
二人庚寅芋園來而陸徐不至爲十一人温花卿金萼預

訂于明年入會足十二人之數云庚寅三月

沈登瀛精廬小集圖跋精廬者何溥上之妙境庵也小集者何私祀鄉前輩也是集之舉發于金丈山甫成于孫君愈愚廣于紀君師泉始舉于戊子所祀者僅三人定于今歲共三十五人曰史徵士博龐修撰樸二公元人也曰貞愍先生張洪余山人津趙徵君金其孫詩人雋袁僉事表紀員外濂李參議樂董光祿嗣成其弟文學斯張斯張子釋隱說太傅朱文肅公國禎其子中書舍人紳其孫中書舍人鑑如正義先生王毓著張節士雋孫茂才淳節愍黃主事周星潘茂才爾夔凡十有八人皆明產也至於國朝人文蔚起則有周山人篆陳山人忱張山人肩紀秀才遠

茅秀才星來端文先生董封翁熈其弟孝廉浩其子大令豐垣謝布衣洲文貞先生曹秀才大斌王大令起鵬楊秋室先生鳳苞施北研先生國祁邢書城先生典附以盛秀才朝勳合十有五人尤其選也先是兩祭愈愚有詩紀其事至往歲之春張丈和之并繪是圖以永其傳而瀛竊有感焉嘗讀朱文肅所作趙徵君傳序曰溥名鎮也然三百年來無一人祀于學宮心甚恥之自文肅至今又二百年矣仍無一人其恥不愈甚乎然溥不以爲恥者蓋有可祀之人雖不祀不爲恥不當祀而祀則祀之愈增其恥鄉賢之設其初舉也至嚴至重故入之者以爲榮後世徇私濫祀有志之士幾欲奉其祖父之主以出者是以得祀爲恥

矣夫以得祀為恥何如不祀之為愈乎茲之三十五人中
 節義文章名宦隱逸各行俱備半可列于鄉賢然吾程學
 宮未嘗不濫恐轉不若私祀之合于公議耳是舉也烏可
 忽諸因付裝池而敬跋之藏示後人未始非溇上掌故云
 蔣錫祜南溇私祀鄉賢祠記吾溇向無鄉賢祠道光中始
 設于妙境庵咸豐初復設于祇園寺研冰精舍中祀鄉先
 輩之品學兼優者其貴顯者不得與焉故前所祀三十六
 人多山林隱逸之士亂後移設溇溪書院之南偏其地為
 朱氏所助于朱文肅公有地主之誼故坵祀焉由是董溇
 陽公亦得入祀惟近時所舉二十四人中有品未必優而
 學僅工制舉業者亦得列入未免太濫但已列入者未便

黜去從前吾師汪謝城先生所修南溇鎮志不列鄉賢之
 名使後之人無從攷證今補修鎮志悉載其名惟濫入者
 不書名以示區別亦承吾師之訓而已吾師嘗云鄉賢須
 品學兼優而已達者不與焉今雖因文肅公而寬其例以
 後仍宜慎舉若既達而有功德言可紀者不妨列入否則
 不可濫祀云云故本此意而為之記宣統元年夏四月識

鄉賢始祀三十六人
 金趙隼 袁表 紀濂 李樂 董嗣成 余津 趙
 董說 潘爾夔 周篆 如 王毓著 張隽 孫淳 黃周
 星 董浩 董豐垣 陳忱 張肩 紀遠 茅星來 楊
 董苞 施國祚 邢典 盛朝勳 曹大斌 王起鵬 楊
 鄉賢 增祀至丁酉年共二十四人
 張激 紀峻 馮鳴盛 溫日鑑 董蠡舟 董漢策
 紀慶曾 沈珪 張鑑 許旦復 孫燧 舟 張升吉
 丁桂 紀磊 汪日植 陳方毅 沈登瀛 金錫桂 尚餘五人

未協祀典故不著按紀福壽考為原祀三十五人朱國楨在內又按宣統以來增入者尚有黃鐘董嶧諸人

范鏜題妙境庵祭鄉先輩圖為沈柳橋秀才瀛賦昔時讀

梵碣鎮名肇南宋南潯鎮之名始見于咸淳六年勅賜嘉應廟額碑六百餘年間

文獻寡甄綜溥書嗟佚亡一序僅傳誦董若雨輯有溥書共四十四人書久

亡佚予惟見其中有靜者心潛藏類抱甕美哉諸君子志

為名教用修祀鄉先進主祭昭慎重薦以蘋藻香侑以黍

醴供追溯元明來靡弗達誠衷作文復繪圖張秋水為文以祭並為繪

圖孫愈思有祭鄉先輩記自元明來凡得姓記傳留歌頌三十有五人沈柳橋各作小傳以記之姓

氏千載後庶免墮煙零歲會陔月期蘿徑正解凍語云德

不孤曠世心契共晒余獨饑驅久感狂蕩諷寂寥寄鄉思

紀事詩自訟余舊有溥溪紀事詩垂老懷流風媿未獲陪從佛廬梅

始花將毋笑顏縱

張鑑奉和愈愚庚寅正月同人妙境庵成祀先正小集之

作宿約招提踐風光動翹塵簪裾集勝引俎豆洽先民坐

久羣花午酒行雙樹春餘年尋樂志詠饋敢辭頻

孫燮己丑正月十五日同人集妙境庵祭溥上諸先輩得

長律二十韻薄雪俄開霽僧房暖日融衣冠朋輩集俎豆

昔賢同藁爾溥南地由來傑士叢故家多碩彥流寓亦詞

雄講道心能得耽文老更攻等身遺著述放眼闢鴻濛各

有淵源自非徒結構工性情狂異狷遇合達兼窮舊德凋

何速遽廬過已空青箱亡世業黃口有孫童每缺蘋蘩薦

遑論禮數崇獺豺知報本貓虎尙酬功備物雖無腆捫心

實至公魂招樺燭影人拜紙錢風如見先儒貌惟憑我輩
 衷禮原從義起誠可與天通欲永千秋祀難謀一畝宮發
 端因故友舊歲本擬祭亡友盛眉庵因及北研書城二老今年并及國初以來諸先輩主祭仗
 詩翁秋水先生事畢還留飲談深欲啟蒙恐貽前哲恥相約慎
 持躬

又庚寅正月十日同人重集妙境庵祭鄉先輩禪房集勝
 侶又換一年新樹老知前代僧閒作主人溪毛修禮薄盃
 酒話情親似挹醇儒貌和風滿座春

又甲午正月十二日同人祭鄉先輩于妙境庵卽事成詠
 春風又到去年時重集禪房感鬢絲一瓣香因先進祝千
 秋業讓壯夫爲客來不速清談暢鶯報初晴晝景遲百尺

樹高殘雪在須教補入畫中詩

吳春藻祭鄉先輩日偶成兵荒久闕蘋蘩薦十數年來又
 舉行四色湖山多在眼幾家車笠復新盟初經草創難齋
 禮默罄葵忱自下聲高築牆垣尙餘望相期吹籥奏和平
 又續成拙律呈琴甫詞長經營築廟枉心殫木主重新意

自安我本前賢弟子列願爲游夏贊辭難前賢與祭者共三十五位今欲
加列數人同人紛紛辨難噴有煩言故云續貂世說我何能先君子得與祭遭髮逆之變業
經焚去余愧無能再續也附驥鄉賢位已增先君子內故云楚楚衣冠
 少年會巍巍日上勢燠蒸余兩子多不讀書見少年

溫鼎祭鄉先輩和吳蓮吟原韻鄉賢自昔傳私祭劫後重
 將祀典行鄉先輩之祭始于戊子歲孫愈愚先生作記記之位置不祧援舊例典

南齊志 卷十六
型宜報續新盟瓣香曾炷招提室靈爽今依誦讀聲莫笑
我曹迂濶甚先民相對意能平 祭虎迎貓思報德矧茲
先哲勵躬行芳徽每切袁絲繡經籍誰開孔壁聲肅拜衣
冠排雁序擴懷詩酒狎鷗盟從今設奠絃歌地莫負多情
宋廣平

又詩後復漫成一絕錄一保障潯溪賴仲舒如何尸祝獨遺
之權謀未必非經濟怪煞人間重偽儒惟儒實一代偉人
不與于祀頗爲惑

桂榮和吳蓮吟祭鄉先輩日偶成原韻先民祀久遭兵劫
祀典于今始舉行欲使梓桑留故事因陳蘋藻續前盟成
規宜切追隨意往哲如聞馨歎聲安得叢書齊刻就流傳

著作慰生平

謝翁先生欲刻鄉先
輩遺書爲南潯叢書

鄉賢崇祀憑公論猶

是斯民直道行自昔精廬頻雅集于今文社復聯盟楷模
未遠曾私淑位置宜增肯附聲先哲有靈如在上高山景
仰慎生平

姚士璠祭鄉先輩和吳蓮吟原韻飛盡劫灰修祀事先民
矩矱要遵行待崇廟貌償虛願用薦溪毛踐舊盟指點枌
榆搜故實臚陳俎豆雜歡聲象賢最是延陵札一瓣香傳
意氣平 老成尙有典型在後進居然古道行博採鄉評
參國史樂從文社訂詩盟分曹好共馨香祝合漠何來馨
管聲一代儒宗心嚮往闡幽議論貴持平

唐宗堯祭鄉先輩和吳蓮吟原韻墨溪文社祀儒氓小子

躬逢敢抗行千古馨香聯友誼一堂尊俎傲仙盟鴻儀彌切神交意鵠立如承面命聲幽德宜彰增位置延年莊論最持平

節孝祠 舊在祇園寺研冰精舍樓右咸豐九年里人公設凡里中節烈貞孝婦女自元至清凡四百餘人額題清芬靡忒四字庚申焜於火光緒二十四年改設於九友堂東樓三楹惟清芬祠所祀已無紀載可考今所祀據舊志節烈門所載及亂後殉節諸婦

龐氏宗祠 在東柵總管堂西龐雲鏘創建並立義莊以贍族人

張氏宗祠 在東柵馬家港東岸張鴻順創建並立義莊以贍

族人

周氏宗祠 在東柵馬家港東岸光緒十有一年周昌熾與其兄昌福昌大弟昌富創建昌熾又置義田以贍族人

譚獻南潯周氏祠堂記文見碑刻

邵氏宗祠 在東柵馬家港東岸

朱氏宗祠 在孫家壩懼二圩今廢

邢節婦祠 在孫家壩朝眞堂右祀光緒二十六年旌表節孝

邢勝奎妻李氏前有石坊

華氏宗祠 在西柵妙境場祠前池中白荷花甚盛今廢

張丹山潯溪棹歌苔青碣斷覆牆陰人去墳空地被侵賴有賢孫力恢復祠門猶帶夕陽沈汪志按西柵華氏祠本係墓地日久無人經管

其莊佃遂覆墓碑于墻下售地于異姓乾隆時裔孫開泰按譜核實疑其地而未得確據禱于關帝得虎頭城裏喜相尋籤句因訪至白鵬兜有虞姓老人年七十餘備述其源而開泰鳩族資贖焉然其墳已不可攷乃即其地建祠以爲陸族祭先之所

董恂潯溪棹歌昨訪蓮漪舊草堂今來華氏古祠旁刺船只向花間住荷葉如雲不斷香

又偕同人至妙境場觀白荷花殘月疎星破曉遲相偕吟侶短筇支路抄曲巷來深塢花散幽香遶古祠兩岸冷雲秋在水一襟涼露客尋詩白蓮社裏人都去定許清游續

舊時

紀氏宗祠 在西柵米廊下咸豐七年遷於紀家壩金雞街北
丁氏宗祠 在西柵外裘莊眾安橋西

朱氏宗祠 在西柵外六里橋嗣二圩首祀文公

朱氏支祠 在西柵外方丈港後嫡一圩嘉慶五年朱履安獨力建立

方氏宗祠 在西柵外方家港祭三圩

孫氏宗祠 在西柵外十里橋胡家兜

胡氏宗祠 在西柵外十里橋胡家兜首祀安定公

楊氏宗祠 在西柵外宰三圩楊灣

顧氏支祠 在西柵外後四圩賢人兜

褚氏宗祠 在西柵外糟二圩閔家兜

邢氏宗祠 在西柵倉橋西

邱氏支祠 在西柵豐年橋西

善田張氏宗祠 在南柵外乍安兜今移於南柵蛤蜊街

陸氏宗祠 在南柵餘祥街明嘉靖時建光緒二十八年重建

祀宋御史大夫陸盛為始遷祖

莊氏宗祠 在南柵西交界壩橋南今廢

顧氏宗祠 在南柵百老橋北

劉氏家廟 在南柵萬古橋西光緒二十三年劉鏞創建並立

義莊以贍族人

邵氏支祠 在南柵外莊思壩橋

徐氏宗祠 在南柵外羅漢壩顧二圩

范氏宗祠 在南柵外簾里方家埭

屠氏宗祠 在南柵外式里港

俞氏宗祠 在南柵外今廢

屠氏宗祠 在南柵外雙月灣審五圩

蔣氏宗祠 在南柵外東埭審五圩

王氏宗祠 在南柵外藏穀橋審五圩

徐氏宗祠 在北柵百間樓港南岸

蔣氏宗祠 在北柵外渡船坊今廢

金氏宗祠 在北柵外北斜河再三圩

汪氏祠堂 在北柵外拜三圩姚家兜道光十七年汪延澤建

祀康熙時刑部郎中仁和籍鄉賢汪以澄咸豐時燬

俞氏墓祠 在南柵外宣塘兜

劉氏墓祠 在南柵外潘家兜

蔣氏墓祠 在南柵外南喜兜

蔣氏墓祠 在西柵外九里橋後四圩馮家村

張氏墓祠 在西柵外宰三圩楊灣

朱氏墓祠 在西柵外糠五圩東五指壩

錢王墓 在西柵上塘後港姚家灘有榆樹兩株舊有墓碣今

已埋入土中 按墓今已夷為平地

宋從事郎朱仁福墓 在西柵石街街內仁福從征方臘有功

卒軍中賜葬于此今無攷 汪志按潯溪文獻云石街巷今稱兜後訪諸故老云舊傳及第世家宅中正廳基下確有一墳

係石街街口朱墳是也但築室者溫氏不知售主何人填平何日年遠事久難為攷究今攷溫氏之宅後售與丁氏正廳已燬土中之墳未知信否即有擴亦難確指為仁福之葬也

宋朱仁福墓碣 文見碑刻 汪志按此碣在妙境庵後朱家墳文獻所以有遷葬之說也然碣實後

人偽造罅漏甚多碣稱宣和二年三月一日賜葬舊志並沿其誤不知方臘之反乃宣和二年十月事也據朱國禎百一祖墓記及朱梅厚德遺言妙境庵後之墓乃仁福之孫俊及俊子庇理所葬初無仁福遷葬之說又華氏傳芳錄載仁福賜葬在德祐元年華元升等陳牒請賜薦福祠額之後則又以為南宋之末要皆譜牒家通弊附會無稽未足深詰

張鑑潯溪棹歌石街巷口倚涼曛啄木聲聲樹杪聞金鴈

銀鳧漂落盡墓田何處弔將軍

范鐸潯溪紀事詩楚歌為弔國殤來從事墳荒付劫灰風

雨石街深巷路冬青枝上杜鵑哀

又杜韋孃宋從事朱仁福墓在南潯鎮西妙境庵後傍有

墓碣去歲之秋偕施北硯王雪浦項函江嘗手拓其文攷

其年月舛誤實多殆朱氏子孫補勒而未深攷也時北硯

賦杜韋孀一闋以紀其事屬余和之余竊有疑久未報命
茲江行阻風篷窗無事摩研拓本爰次北硯元韻繼聲填
此書寄北硯雪浦函江白楊孤墓棲鴉亂噪秋風颯有數
行碑字捫難讀記弔古詩朋相拉聽椎聲細打墨痕乍灑
溪藤潤滑添香蠟數宣和舊事如許何堪手答 任寫搨
星移物換多將世系付訛雜看昔年燈火叢祠在問薦福
誰來行匝只石街古巷鐘敲妙境蕭蕭落葉老僧蹋賸篷
窗夢斷驚浪寒吟夜榻

施國祁原作烟叢西墅寒花墓下秋蕭颯問宣和從事碑
存否怎忍令風霜摧拉喜俊流逸興長箋拓去荒磷乍試
新蠶蠟聽椎聲向夕陽裏丁丁響答 看薄搨模糊蟬翼

重行泐墨古香雜恍石街明月遺清影一水外潯溪回匝
話南朝舊事忠祠孝里榛蕪半付晚樵蹋好裝池且與評
泊吟窗醉榻

趙王墳 在南柵醋坊橋東俗稱竹園頭相傳宋宗室某所葬

今無攷汪志按舊志俱作趙王陵然今俗只稱趙王墳未嘗稱陵也張志董志並云遺址尙存范志云其墳墩石墓門巍然尙存今攷墓門尙存者乃張處士墓相傳誤指爲趙王墳耳實則此墳久無攷矣慶雲按今並張處士墓門已無矣

董蠡舟潯溪棹歌朱從事墓沒榛芴吳相碑亡事莫徵回
首可憐天水碧行人猶說趙王陵

宋兵部尙書華初成墓 在西柵嘗四圩菜花兜南

張丹山潯溪棹歌忠孝傳家譜系存菜花深處溯前聞可

憐南宋尚書墓荒圯爭傳太監墳汪志按菜花兜有南宋尚書華大生墓雍正初

年墳圯尸見居民見其冠服殊異因訛傳為華太監墳

宋承事郎朱俊墓 在西柵妙境庵後俊子庇理亦耐葬焉俗

稱朱家墳汪志按朱氏譜仁福第三子名宣宣生百一公俊

一祖墓記云百一公所葬當在營字四圩朱柵厚德遺言云

奉祀祖墳餘慶又云先父治命同卜宅兆並指此墓而言後

宋江州參軍華文勝墓 在鎮西北營五圩

梁氏古墓 在西柵菜花兜汪志按舊稱梁宦墓

陳氏祖墳 在東柵薛家漾東北明名醫陳理先世所葬俗稱

陳家墳

明處士紀中墓 在西柵箋二圩俗稱秀水墳中為紀濂之祖

范鐸潯溪紀事詩飛夢金庭渡碧雲優游泉石亦超羣秋

卿第後門風著盡道鍾靈秀水墳汪志按紀氏家譜六世

叟善詩文不樂仕進卒葬箋字二圩法華庵之東瑣錄墓

前臨半月池後抱西村水清繞漚橋木森森其地形如荷

葉得水欣榮故俗名秀水墳

明處士金恭墓 在南柵嘉應廟後

明謝翰故處士金君墓文見碑刻 乾隆六十年出土

陸氏祖塋 在南柵餘祥街陸氏宗祠內明嘉靖時葬太學生

陸嵩陸巖弟兄嘉靖壬午恩貢北直隸滿城縣知縣陸元吉

南京中城兵馬司指揮陸元祥嘉靖壬子舉人永豐縣知縣

陸充齡府庠生陸璜山乾隆庚午舉人四川敘州府通判陸

以載均耐葬墳前有池四圍有墻俗名硯子墳

丁氏古塚 在北柵圓通庵內明時丁氏所葬

丁氏祖墳 在西柵外三里橋西北嗣一圩俗稱鴛鴦墳

方氏祖墳 在西柵外眾安橋東祀四圩

明謚貞愍教授張洪墓 在南柵外牒四圩獨樹灣洞賓橋南

俗稱老墳灣洪子昂即葬洞賓橋北箋五圩盧家壩俗稱張家桂花墳

明通判張祐墓 在南柵蘇露橋西

汪志按范志以為宋學士張定墓謬

吳曹朱三家祖墓 在北柵外嘗三中圩其後裔鬻其地於張姓張發之有石槨二具得宋鏡及佩璧磁器今墓已夷矣

〔明朱國禎百一祖墓及以仁公附葬吳墓記〕朱氏陝西涇人宋宣和二年承事仁福從征方臘有功卒軍中葬於湖

之南潯鎮是為始祖第三子宣從行不能歸因家焉宣有十三子傳遠而派繁散居金閫丹陽安吉諸處潯為正宗自國禎以上多長子勤於耕賈鮮行業及宅墓可考之處蓋既求巴西黃宮允表南阡矣宮允方在講筵無休沐暇獨為我操筆古質淋漓是真不朽者夫朱氏潯之舊也由來止此已乎仁福葬明月橋西石街巷巷自如墓不可考冊云祖墳餘慶未知即石街與否百一公所葬當在嘗字四圩今隔河祀字三圩有墳一區子穴纍纍守者猶是吾宗足知兩圩俱是朱氏墓地今自穴而外皆成田惟鎮西有廟徑橋相傳為朱氏家廟處想亦進士公所創已夷闔闔蓋族中不肖所質又有大古柏亦伐去前年族曾祖

表求於董祠部復之立進士公牌位其中然絕不成廟貌也整之在異日又稍西有樓一間族某焚修其中蓋因廟毀改立以仁公諱濟東郭吳氏之甥配吳氏吳有二甥其一爲曹某曹先死吳憐之許葬己墓蓋先輩高誼如此曹之子鏞宏治癸丑進士館選得刑部主事善畫殘荷有清名壽最高所謂桐邱先生者也以仁公歿用曹例不告而葬其右吳訟之業已然又會有居間者得不發憶禎幼時先府君乞婦於曹曹不許已曹氏行吳墓間得以仁公穴歎曰是舊家且有連無不可者先府君亦不許以仁公蓋貧約悃悞之士配吳氏生死日月譜俱失之二子一女仲又絕穴丁向後有銀杏樹二如華蓋對立插天幾作屋材

矣賴吳氏有隱于醫者爭之獲免此百千年物閱富貴多別有鬼神守之五雷所不敢犯輒可睥睨耶伊人中止亦其福潯中舊姓自吾宗外爲東北二吳紀陸張尹慎沈尤錢范華翁龔不過十餘家都居奧境吳尹慎范僅文學北吳貢生吳在川吾母其姪愛而女之禎三四歲時造廬與先大父侃侃猶記其狀貌方面顴腹每謂先府君曰學莫先於治生深慮府君闕手不甚屑屑數至困乏云耳入京抗貴人同筆硯者未得官歸家窮死豈所謂善治生者非耶其長爲弟子員老而黜益貧外祖在溪有二孫俱天絕何吳之凋喪而幸吾母尙逐兒子居京二年得疏食拜觀音大士前耶愾歎可知紀陸張有鄉進士紀爲刑部員外

郎陸一為知縣在仕籍者一通判其祖以貢亦知縣張亦通判最先發尙有坊在南尤以恩貢亦通判禎少時嘗從受業沈以貢亦知縣翁氏子能詩雅工草書與予善錢與龔俱無文士范卽吾姑節婦之家劉宮允為之碑與黃當稱兩絕行且請旌然所重不在此華登甲午者吾社友也東吳南徙與吾家猶聯兒女親不替云張沈尹慎式微夷於三卻之後矣董自梅林來稍後獨據其勝大發所不歸一者陸氏稍遠為紀亦十四姓子孫自廢大樹之下無豐草非人之所能為也而百年前父老追隨于于衍衍婚姻休戚之誼遂絕蓋所聞於祖父如此禎以使節歸當請吳之老人告之故立碑曰附葬吳墓以仁朱公之穴以

示別祭必先吳不忘本也敬敘大都并及潯之興廢以示

子孫且俟數姓之後之崛起者第十八代孫國禎薰沐謹

汪志按湧幢小品曰曹桐邱公鏤之祖原吳之自出育記于曹故一姓曹祖歿葬吳墓余高祖民畏公吳甥也貧甚破亦葬吳墓其地辛丙巽三水俱會云云此記則云以仁為吳氏甥葬吳墓一人所記自相矛盾故民畏名震卽父歿而震葬之于吳墓小品之文當有脫謬也

董氏祖墳 在北柵外悚四圩明尙書董份葬其曾祖處士鐸

及祖贈通議大夫庠於此墓前二翁仲猶存俗稱石人墳墓

西向稍南為庠子珮珂同葬俗稱獨樹墳亦稱老墳灘汪志按范

志云在懼一圩蓋因悚四懼一兩圩連屬致誤又庠墓誌係主事唐樞撰文今不錄

董攀龍潯溪竹枝詞寂寞荒灘覆白雲漁舟十五自成羣

明朝寒食梨花落麥飯一盂上老墳予家贈少宰竹間公墳在潯北為漁船停

宿處俗呼
老墳灘

〔紀復亨董墳觀梅歌〕香風劃溪水梅花繞古墳提壺坐其
下茫茫醉白雲卻恨尋春春已老一半飛英委芳草舉杯
遙酌陳死人被君卧看春風早花下橫眠秋樹根花前無
數夕陽村倚橋淡蕩銜山影傍岸參差皺水痕村女折花
不插首窺人縞袂冬青後幾間茅屋鬢卑垣晝夜清香塞
戶牖好闢花園築徑斜扶疏繞屋野人家春來日日巡檐
笑莫到墳頭始種花

〔溫睿臨王楊墩訪牡丹會飲雙塔廟晚遊董墓〕五首石馬

淒涼零露中居人指點說幽宮百年宰樹留先澤半日風
帆訪古封若有人兮被薜荔隱思君矣撫杉松漢陵唐寢

今何在誰勒銅駝泣暮風

明處士張鳳墓 在南柵醋坊橋東宣統二年冬爲人盜發得

朱書碑志通判劉式淵捕治以法修其墓里人爲立碑表之

〔明董份明故棲筠處士張公配褚碩人墓誌銘〕史氏董份
曰子舅氏家難可勝言哉始予舅死于毒官方按治而仇
傾家財倚有勢者抵搆於其間外大父棲筠翁及褚碩人
相繼以憂歿最後舅子仲兄需亦下世人之云亡家亦殄
瘁痛哉于是伯兄震就祿遠方自照磨稍遷棄其官不赴
歎曰所爲萬里仕者欲竊升斗以葬先人畢大事耳今官
旣貧而業益窘卽萬一先霧露恨可贖哉蓋棲筠翁葬已
久矣而未有銘碩人歿已久而未葬震獨念曰夫葬而無

南齊志 卷十六
銘與無葬同歿而未葬與無子同子誠已死而孫不能舉
與無孫同震何面目以立世也乃與需之子四聰等來言
銘事會予方以太孺人喪未能就也居歲餘又泣而言曰
惟不得銘以不敢卜日月而溫氏兄應祿亦數責予曰子
傷母而獨不念母所自出乎且忍使二大人歿遂卒卒無
紀載比委于草莽者哉乃摧心裂腸拭淚而序其事張氏
者其先烏程潯溪人也翁曾祖華甫以高行稱潯溪人言
大姓有禮者必曰張氏祖恕父敏皆有隱德居潯溪翁少
有雅度自兒時爲塢村褚丈人所奇遂歸女爲翁配因依
褚治田宅盡讓兄潯溪所居而徙爲塢村人性簡重懷悛
口不出辭未嘗折人以辨然論理道識要指犁然有當于

時人亦不能難也顧不喜仕不肯授章句業而塢村在潯
溪西有沃野膏田陂池之饒乃樂其地益規治蒔桑麻藝
林圃親率耕耨其間入其境叢陰茂雜流泉掩護曖然隱
居也大概勤身儉節以起其家而不事貨息不爭廢囂以
競贏利其古之所謂以正道自殖者歟治家不得闕費自
尺寸有經而問義所當不小拘也人以是稱之教子孫有
法繩束軌限毫毛不得違度數延經生博士使子孫以次
受學傳誦日夜趣問所進稍稍究以師說爲處其然否多
中幻眇經生博士捐几而聽之無不許善其行已極慎進
退步履皆有常處至遇人煦然無不得其歡心居常微行
瑣節皆可述者予少侍先府君太孺人之側時時言翁而

予早不解事久遠不能詳也要之誠謹篤厚表裏醇壹斯所謂善人長者足以貽後昆而敦薄俗者歟曩記予數歲姆攜戲翁膝下翁授以古歌詩能言其義數賜千錢甚喜而予好弄不羈獨温氏兄卓然成人起立不苟而翁兩取之歎曰術者言我宅相當有甥貴而兩兒皆不凡倘在是矣丁酉之歲予幸與温氏兄同舉于鄉人皆以翁之言有徵而惜夫翁與碩人其皆逝也碩人卽塢村丈人之女始歸于翁輒屏鉛棄珥自力作苦身紡績織紝工與婢最者校食與下者等人無嫡指家無遺粒翁積治產業多碩人之助也然與翁孝養舅姑嫜睦宗戚事上惠和敬恭而閨門甚肅其遺範餘風凜如也人故益知其賢平生不踰閭

闕獨以子死官驗屍與翁相持出哭屍下悲號甚慘官乃動曰是父母將并爲子死囚可釋哉乃卒按仇罪然無何翁歿而碩人失明十數年亦歿嗚呼哀哉予見碩人失明後常處一木榻不下每飯不過數匙肉三四舉食蟹不過一節而壽九十餘而歿問之碩人往故少食如此夫味薄則神清而氣堅碩人自少能以勤儉助翁而壽老固以神用也然則世專以極味窮嗜爲養生者不已汰歟翁名鳳字某棲筠其別號也生正統庚申九月十日歿正德丙子八月十九日碩人生正統丙寅四月十六日歿嘉靖庚辰九月十四日汪志按生卒干支必有譌字據上文碩人歿在翁歿後十餘年壽九十餘今以二人生卒之年反覆推較進退皆不相合子暹卽死于毒者也娶沈氏女三長嫁沈

次卽子母太孺人次卽温氏兄母也沈淵子父環温氏兄
 父瀚也子父以貢士不肯就選贈翰林院編修温氏兄父
 亦以例貢不選將待封云孫男二長卽震授鎮遠府照磨
 遷周府審理娶陳氏次卽需早歿娶丁氏孫女二適蔡槐
 陳梓曾孫男四四維娶金氏四科娶談氏四聰娶黃氏四
 教聘陸氏四維四聰皆學生曾孫女三適閔隆慶陳汝登
 莊寅元孫男四嘉謨嘉猷嘉言嘉行嘉謨聘閔氏嘉言聘
 宗氏元孫女六長許嫁陶某餘俱幼翁以正德辛巳葬潯
 南之箋字圩今嘉靖辛亥舉碩人合葬焉銘曰痛者子繁
 則孫痛彼朝露其繁如雲雖以憂歿實慰乃魂古云作德
 祚及其昆諸孫彬彬實興于文將大其門維祚之存銘稽

葬緩終歸茲墳史氏勒石以示後人

汪志按此墓卽向時妄指爲趙王墳者近

年里人紀南枝始攷得爲張棟筠墓以此文證之信而有
 徵矣凡墓志埋於墳中未出土者例不入碑刻但究屬勒
 石故錄全文且此墓傳譌已久
 待詳著之俾後人有所攷焉

尤氏祖墳 在南柵尤家港北明尤應祥先世所葬

朱氏南阡 在南柵外今無攷明朱國禎之曾祖贈光祿大夫

震及祖贈光祿大夫經墓後遷葬懼二圩玉成灣

明朱國禎月溪公行實錄民畏公諱震生四子長月溪公

諱經字朝綱壯年厚一術士共遊鎮之南隅指一地曰前
 岡似吉卽默識價極貴畝不及三而錯業十餘家營厯三
 十年已得之惟正中可三丈餘抵而不殊爲人所覺有才
 氏奴七者其父故民畏公之僕尙在仗勢覬覦公以計引

其人置券厚給其直買空棺實土培其上明日獨身至揚
 言曰若來吾挾之與赴水奴亦懼始不敢爭是舉也遲一
 夕即負屨不可邇前所得悉決裂然非公之氣概亦不能
 逆懾至此既決策眾云公傾家之半與一生精力都在此
 眞穴宜自奉公泣曰謂吾父何卒謝不聽三弟尙在不煩
 一粒一錢之助也左爲某奴之域僅隔一小渠丁位原有
 徒杠其流來處屬彼所去易以石屈曲束口之半說之萬
 端不聽無如之何卒亦無害而奴已奄忽墟其地矣臨歿
 猶南墓爲惓惓云

明黃輝朱氏南阡表 文見碑刻

明徵士趙金墓無攷 汪志按舊志云金年六十自爲壽藏范志云趙心山墓誌尙寶司少卿陸師道撰其

墓當在潯而皆不言在何處

明刑部員外郎紀濂墓 在南柵外簡二圩姚埠坑 本朝諸

生紀遠及太僕寺少卿紀復亨並附葬墓側 汪志按濂墓誌係董份撰文今

不錄

明贈光祿大夫朱守愚墓 在南柵外顧五圩守愚即朱國禎

之父 汪志按守愚墓誌係兵部侍郎許孚遠撰文今不錄

明贈光祿寺少卿董嗣成墓 在北柵外拜三圩初葬烏鎮獲

字圩順治四年遷葬于此俗稱桂花墳今桂已槁 汪志按嗣成墓誌係

大學士申時行撰文遷葬未嘗改撰今不錄

黃周星董墓看桂次題壁韻早香直作晚香開牽惹游人

幾度來天竺影疑花雨墮月宮曲記紫雲回蕊珠叢裏探

芳徑金粟堆前醉古苔彷彿淮南招隱地可堪作賦小山才

汪延澤桂花墳弔董光祿市義翻胎禍窮泉迴不晨一杯遷瘞骨兩疏頌批鱗薄俗誰奇士衰朝此直臣我來秋色裏太息桂為薪

殷氏祖墳 在南柵箋二圩俗稱殷家墳按范志作在恐四圩謔

邢氏祖墳 在西柵西莊村後俗稱邢家墳

明戶部主事黃周星墓 今無攷或云在馬家港長生橋北塊

俗稱獨樹墳 汪志按周星自撰墓誌今不錄舊志不言墓在何處以為在馬家港者始于邢典云據先世舊聞墓上有白皮松一本塚則三和土所築然亦未云在長生橋畔也丁源詩則謂墓前有冬青樹又有南林寺句似當在報國寺左近矣道光中東藏寺僧達曾始指長生橋北獨樹墳以當之而范鎔賦詩并載之潯溪紀事詩中近人遂為立

墓碣殊失疑事毋質之意今墓上樹非冬青亦非白皮松係馱墳非三和土塚堆甚大似有三四穴夫周星卒後其子已奉母返金陵矣即云後來奉母柩至潯合葬亦止二穴而已附葬者又何人耶相傳十餘年前有上塚者居府城西門外非黃氏子孫或云係朱氏族入無後者所葬又里人紀南枝云嘗檢惶字五圩圩冊無黃姓戶貫諸說紛歧迄無定論今姑采范志而附著所疑以待後人攷訂焉

邢典南林雜詠獨樹墳黃九煙先生墓寂寂荒墳在依依問水濱一枝松與伴孤絕似斯人

丁源黃九煙先生墓墓前有一樹土人名獨樹墳浪迹江湖未有家酒

船詩軸共生涯夕陽終古南林寺猶照冬青獨樹鴉先生云高山流水詩千軸明月清風酒一船又先生最愛夕陽有夕陽詩二首

范鎔偕竺峯上人尋黃九煙先生墓百年留故迹咨訪墨溪瀆芻狗齋無址銅駝夢散雲先生著有夢史佚不傳而芻狗齋集板片亦久燬

小橋流水曲獨樹一杯墳

舊稱獨樹墳為先生墓在長生橋畔

相與談文獻

裴回倚夕曛

五遷茅屋隱遺世首頻搔頭沛亡張儉淒

涼老謝翱生存明進士死讀楚離騷太息無碑碣何人薦

野蒿

又潯溪紀事詩馬家港曲入溪南獨樹墳荒路未諳更問

桑麻朱相宅祇今世系少人談

昔亡友施北硯國祁邢書城典紀鐵珊峻嘗云獨樹

墳在馬家港為黃九煙先生墓余以浪遊數十載久忘蹤跡乙未春歸省先塋暇與竺峯上人達曾借尋在青華觀後隔水之長生橋畔有墳蓬累一樹扶疏老榦蟠結其上達上人曰此即俗稱獨樹墳也後人零替久絕祭掃矣徘徊夕照慨無碑碣為賦二律

張丹山謁黃九煙先生獨樹墳潯溪迤東南波光淨於練

水木湛清华坡陀恣游衍乘興訪石湖桑梓徵紀傳忽云

獨樹墳一杯昨曾見兼欲表章之豐碑屹一片我聞意臆

發急思瞻月竈適墓生敬心愧乏芳筆薦吁嗟傷心人才

華洵邦彥弱冠擢京闈簪花聞喜宴觀政攄懷抱戶曹承

帝眷忽焉天地傾世事滄桑變肥遯隱江湖逍遙歷郡縣

武水重遲回長城食貧賤五遷始至潯孤蓬任飄轉晦跡

鸚鵡洲勤耕鸚鵡硯迄今市廛中尙爾流光絢天中額仙

宮歲寒勝僧院泣鬼與驚天快絕唐詩選桑海泣遺民憤

鬱若瞑眩瞬息年古稀歲月驚流電神州已陸沈悉數淚

如霰南都小朝廷君臣喪游醺紹武敗倉卒思文絕鄰援

螳臂竭翁洲龍種獻緬甸長楊依延平海嶠猶吾戰恨乏

補天手精衛滄海填苦無魯陽戈夕照空矜炫鍾山王氣

銷解脫夫何戀絕命詞既吟生壙志亦撰邁茲令節辰汨
 羅甯獨擅寂寂芻狗齋蒲觴聊自餞妻孥痛訣別墨溪赴
 清浣憶昔書城師賦詩曾弔唁因之桑野間榛莽搜尋徧
 積悶二十年今此殊歡忭賴有冬青枝歷久尙葱蒨鬼神
 常護持名流仰狂狷惜哉土花殘剝落資修繕何時宿草
 除何日椒漿奠鄙俚綴蕪詞大雅徵黃絹時范文白舫相約賦詩紀之
 金錫桂尋黃九煙先生墓不得南林當孔道古蹟不可度
 基留太尉城名著御書閣殘碑蝕苔蘚漫漶少椎拓遂令
 懷古心悵惘渺無着峩峩黃夫子高風動寥廓素抱懷沙
 志不肯受羈縛客死葬此地故老傳聞各一抔究難尋闡
 闡紛交錯荒溪水汙汙破冢煙漠漠叔譽觀九原死者那

可作我詩告邦人表微貴踴躍勿使忠義名久久坐蕭索

李世伸潯溪棹歌疊山遲死亦千秋解蛻吟成萬古留三

尺孤墳稱獨樹一抔終古枕寒流黃九煙先生墓在墨溪

沈氏祖墳 在南柵百老橋北

潘氏祖墳 在南柵百老橋東潘尙仁尙智先世所葬

孝子袁大周墓 在南柵恐四圩磧沙寺前

明贈光祿大夫左柱國少師中樞殿大學士溫應初墓 在南

柵外箋五圩按應初爲體仁之祖

明贈光祿大夫左柱國少師兼太子太師中樞殿大學士溫子

佐墓 在南柵外詳五圩按子佐爲體仁之父

席家墳 在西柵外六里橋相傳爲洞庭席氏先世所葬今華

表猶存

道士墳 在南柵箋一圩巡司署對河廣惠宮道士聚葬於此

六禪師骨塔 在東藏寺中 汪志按聚星塔旁又有四禪師骨塔附載于此

張丹山潯溪棹歌六祖功成庇一龕兒曹佛土好莊嚴金

仙亦有長生訣法界空花一笑拈 汪志按東藏開山為雲棲法嗣一默然靜二妙

湛源三無見相四永源五引之六祥永雋傳初起地藏殿時六祖骨塔在焉初議移去而董其事者張麗成李某也
有漁船張網于張麗成湖半夜分見張門大闢六僧魚貫進疑有法事久之張送僧返口旋闔次早李謁張備言夜夢六僧來懇骨塔毋移不礙殿址與張夢相符大驚遂寢前議殿成適在右壁因設位供奉香火至今不絕云

三禪師骨塔 在塔院中題云臨濟正宗第三十世佛幻神珠

海禪師第三十一世漁庵天倪聞禪師第三十二世開山此

翁孝禪師之骨塔

普同塔 在塔院中碣題同登上品優婆夷優婆塞之骨塔又

報國寺中亦曾建普同塔今無攷 汪志按同登上品潯錄同作普譌

董漢策募建普同塔引憶昔亥子歲交此山禪師自吳門來潯為其本師倪公建塔余因以立普同塔廣引孝思之說進此山禪師便首肯曰此先師之願也居無幾何倪公之塔成別構數椽供地藏使冥趣知所向乃營地勢為四眾掩遺骸復及于遺骸之無主者歲在庚寅將鳩工焉余謂鼎象封樹儒者之教也貧無以葬則教有時而窮掩骼之法所以救鼎象封樹之窮也茲逢兵燹之後骨肉滿溝壑矣為刀鋸死為風雨死為猛虎死為赤鼠死甚則為蠶蛾刺射死舉天下母失其子夫喪其婦兄弟眷屬勢如

土崩欲訪遺體置荒塚中不可得而高原蔓草之側白骨
青火魂旣難招神猶入夢問儒家有掩骼者乎則不顧而
唾嗟乎此時立普同塔又所以救儒者之教之窮也今潯
之人歷此大劫而安堵如故前所言五死悉不犯于是用
其餘生畢力于掩骼之事贊助普同已稱極樂當不待予
言之畢而有脫巾幘簪珥以成倪公之願者

〔金之俊普同塔引〕東坡之銘暴骨也曰是豈無主仁人君
子斯則其主矣噫此真仁人君子之言也從來掩骼埋胔
食報不淺而世人鮮留意於此者良以黃金能語白骨無
言與其施恩必報之地何如市德必償之人於是著慳貪
想者徒飽自己膿血卽生布施心者亦遑顧誰氏枯顛不

知羈魂旅魄飄泊堪憐暮雨晨風淒傷欲絕王恂之葬客
舍書生陳元之瘞饑歲萬殍稽之往牒因果昭然世間容
有負心之活口地下決無背德之灰骸爲之主者繫惟仁
人君子是賴余伯兄口然先得我心慨然首倡義舉欲建
普同塔於潯鎮之隙地而比邱某踴躍贊助誓共圓成若
自作若教他作見作隨喜伯兄與比邱之謂也伯兄曰人
之欲善誰不如我弟其爲我廣之余因書此以徧告仁人
君子

〔又潯水普同塔疏〕節錄曹溪西去數武爲南潯鎮有報國寺
南林上人曾斷一手以誓興復茲寺至今機緣未就然爲
法忘身一念何異斷臂之神光余素嘉其真心實行庶幾

其無我相者乎一日持疏冊欲建普同塔於寺之彌陀閣
後而丐余言爲勸

寓園 在南柵蓮界街後舊爲勝義庵僧舍嘉慶年來僧僚散
亡殆盡九年師善堂董事紳士請於當道改作便民停柩之
所名曰寓園三年之內覓地安葬咸豐時燬於兵同治七年
重建三十間

續增寓園 在南柵餘祥街與寓園毗連同治十二年建十間
停棺所 在師善堂東嘉慶九年建燬於兵同治七年重建三
十間

寄園 在師善堂東光緒二十九年建十二間

新寓園 在師善堂東光緒二十九年以飲牛池填築殯房四

十間

義塚 康熙十一年里紳董漢策創建義塚久廢無攷或云卽
今鰲里義塚是也雍正二年紳士潘尙智夏光遠沈謙徐宏
遠張輯玉溫堯臣潘尙仁張文翹莊敏之陸熊臣陳寶東陸
心期陳甯周董洛如張麗成殷茲在丁覲揚華佩蘭莊祖庚
宋穎傳丁次寅沈謙受羅會乾周大偉張維申潘彩雲顧序
皇等復捐資公建在箋一圩焚無主之骸骨藏甕叢葬男女
各別積二阜

汪志按義塚董志作漏澤園名異
實同范志乃云漏澤園卽寓園謫

曹大斌青華觀義塚版榜周禮大司徒以本俗六安萬民
二曰族墳墓春官之屬墓大夫掌凡邦基之地域爲之圖
令國民族葬而掌其禁令正其位掌其度數使皆有私地

域先王所以謀民之喪死無憾者綦詳矣而孟春又有掩骼埋胔之令豈不以四海之廣惟恐一夫不獲其所耶吾潯溪里烟火數萬家遠方商旅輻輳其土著貧乏不能葬及流寓滯櫬之無歸者往往有焉仁者憫之嗚呼詩有云行有死人尚或瑾之又云凡民有喪匍匐救之孔子所謂無服之喪內恕孔悲者也於是里之大夫士庶耆老公擇地于嘉應廟東北隅若干步爲義葬之阡厲從社後允合古法旁構青華觀命黃冠者居之薦其歲事庶幾仁者之用心而佐王政之十一者因立榜楹間余爲書其梗概以誌將來善信芳名列左右道士沈道恒與有勞效例得附名

汪志按此文明題版榜舊志列于碑刻誤

董熈義塚記古者家人墓大夫各有職掌自貴及賤未有不得耐葬族葬者其或死于道路又令蜡人埋而置榻至孟春掩骼埋胔并令掌其國禁凡所以仁死喪者詳密如此斷無有貧不能瘞而殘骸暴露者也後世義塚之設不在官而在民蓋下體上之意出其私財聚枯骨築大阜以埋之故謂之義我國家仁育萬物恩頒葬典使慎終事弗之有悔然貧而暴骨者時有康熙辛丑潯鎮沈君謙徐君宏遠張君元燦等惻然傷之始捐資創議勸里中之樂善者各出資財買箋字一圩稅地八畝有奇屋前後六間中供青華上帝顏曰青華觀無主之骨悉收之地東西八十餘丈南北四十餘丈計用銀七百兩有奇深得置榻掩

埋之義顧以力薄地隘不能不火化也蓋自桑門之教盛行于中土莫之匡正宋建隆中詔禁火葬今律從尊長遺言將屍燒棄杖百而宋賈同禁焚死王安石閱習二文尤痛切賈之言曰父母生而或毀傷之不仁死而復毀傷不仁甚矣況自執火而焚其屍乎王之言曰習之久也至于戕賊父母而無以爲不可然則義塚所收其用心甚慈其爲功甚大而猶未能禁人火化更能推而廣之措置寬閒之地得以安葬而無燒焚之慘則事係于官而士亦得爲之特書以俟有力者乾隆十有一年六月

義地 師善堂於嘉慶年間向府城西南三十里之杼山置買義地每年春秋二季凡停久不葬及無主之棺載往叢葬在

菁山建有義莊三間兩進憩息經事之人陸續置買之地計杼山一百七十畝龍尾山七畝五分饅頭山十三畝麗山二十五畝劉家山三十畝澗礪山四十五畝

甯紹厝所 在下壩甯紹會館內

金陵厝所 在廣勝橋金陵會館對河

新安厝所 在醋芳橋東竹園頭

張鑑遵義堂徵信錄序錄節新安六邑商人之在潯鎮其殯室向僅附築于青華館側歷年滋多漸覺冗偪自道光六年經金君稼田星彩暨方夢吉汪梗南程際煌吳炳文楊以和陳任賢許清臣胡集和十餘君朝夕綜理至十一年冬始克買地二畝於溪南箋字一圩旣營公館卽其旁鳩

工開薙建廣廈六楹以爲遵義之堂棟宇完固地勢塏爽
 又慮陰陽凌雜別置楚芳橋東女厝一區落成之日同人
 思垂久遠乃議立規條十餘則纂成一編先以當事諸批
 答凡董司之任捐施之名出入之號啟閉之期工役之資
 水火之費善緣所集靡不畢載而無歸淹滯買山叢葬其
 卒事也丙申三月

周氏丙舍 在東柵馬家港周氏宗祠內

劉氏丙舍 在南柵萬古橋西劉氏家廟後

南溟志卷十六終

南溟志卷十七

里人周慶雲纂

坊表

狀元坊 在北柵太平橋畔爲宋紹熙甲寅上舍釋褐狀元張
 定立今圯

曹仁虎溟溪竹枝詞簪纓計里有輝光幾處朱門跡漸荒
 南渡衣冠休再問苔痕久沒狀元坊

文魁坊 在南柵箋字一圩爲明成化辛卯舉人張祐立今遺
 址尙存

茗水遠來坊 在東柵懼字一圩爲禮部尙書董份立今廢

梅林獨步坊 在東柵晏公廟右爲明嘉靖辛丑進士董份萬

歷庚辰進士董嗣成萬歷癸未進士董道醇萬歷乙未進士董嗣昭立今廢

探花坊 為嘉靖癸丑一甲三名進士溫應祿立今無攷

凌烟十俊坊 在東柵晏公廟右為萬歷癸酉舉人董道醇己

卯舉人董嗣成戊子舉人朱國禎沈鼎成崔祖錫甲午舉人

董嗣昭華士嶼莊日宣丁樹本吳時憲立今燬

四世一品坊 在東柵為明贈少師建極殿大學士朱震朱經

朱守愚及建極殿大學士贈太傅朱國禎立今圯

節孝坊 一在東柵三板橋西董進士祠內為明進士董嗣昭

妻李氏建 一在東柵下塘乾隆五十六年為邱元文妻龐

氏建 一在東柵下塘嘉慶十三年為嚴楚臣繼妻朱氏建

一在東柵下塘嘉慶十八年為沈堪繼妻徐氏建 一在

西柵沐鳳橋西康熙六十年為江南舉人程嘉和繼妻潘氏

建今圯 一在西柵外裘莊為文學丁熊占妻嚴氏建 一

在西柵外裘莊丁氏宗祠內為監生丁櫟妻楊氏建 一在

西柵外九里橋西五指東壩為邑庠生朱杰妻李氏建即在

墓上 一在南柵廣惠橋西境為陳雪川妻孫氏建 一在

南柵新開河為張全妻陳氏建 一在南柵孫家壩朱氏

宗祠內嘉慶四年為朱位南妻蔣氏建 一在南柵外豆腐

橋北乾隆五十三年為潘文炳妻陳氏建 一在南柵外南

蔣港口乾隆六十年為文學蔣慎川妻朱氏建 一在南柵

外開濟橋東道光元年為王岐妾葉氏建 一在南柵外東

隸蔣氏祠前咸豐五年為候選布政司理問國學生蔣宗銜
 妻張氏建 一在南柵劉氏祠前光緒十六年為國學生咸
 豐庚申殉難崇祀杭省昭忠祠劉保康妻陸氏工部虞衡司
 郎中劉安瀾妻二品命婦邱氏國學生劉安儻妻邵氏合建
 一在南柵孫家壩朝真堂前光緒二十六年為邢勝奎妻
 李氏建 一在北柵外下壩般若庵前順治十三年為副貢
 生董廷勳妻顧氏建 一在北柵外棟五圩乾隆五十二年
 為董耀妻嚴氏建 一在北柵外南壩乾隆五十年為陳文
 元妻周氏建 一在北柵外瑤田村乾隆五十三年為文學
 張駿觀妻葉氏建
 節母坊 在西柵外福積橋西為沈斗南妻陳氏建亦稱壽母

坊時年九十享壽九十四歲

貞女坊

在西柵務前為明金來聘聘妻紀氏建

俗稱牌樓裏

〔明宋國禎節孝紀貞女碑記〕文見碑刻

一門雙節坊

一在東柵下塘乾隆五十二年為監生朱光煥

妻吳氏文學朱光炳妻程氏建

一在西柵外裘莊道光二

十一年為丁起堂妻沈氏丁源妻沈氏建

昇平人瑞坊

在東柵下塘懼字二圩光緒十五年為壽民四

品封職梅寶楚建

與四牌樓並列為五

樂善好施坊

一在南柵劉氏祠前光緒十六年為三品封職

劉煥章三品命婦吳氏十七年為三品封職劉元吉三品命

婦屠氏十九年為二品封職劉鏞二品命婦沈氏合建 一

在西柵外賢人兜光緒十七年為一品封職顧壽喬一品命婦施氏建 一在南柵外厭三圩光緒十五年為候選員外郎邵文瑛四品命婦吳氏談氏建

南溟志卷十七終

南溟志卷十八

里人周慶雲纂

人物一

宋 張茂宗

張準

張定

張翼

華文勝

華初成

華元實

史博

陸盛

元 龐樸

徐愷

張士諒

褚天祐

褚錫珪

董仁壽

明 華裕昆

華欽

華振道

華宏綱

華揚

華天民

張文顯

張立

沈貴

陸巖

陸勝觀

陸孟和

陸文

陸椿

陸敬德

陸元

宗舊志入流庸今依府志例凡子孫占籍于此者始遷之人即入人物後仿此汪志

華文勝字彬野祖天保自無錫徙南林父初成字大成師事攷亭朱子淳熙中以經義薦歷官兵部尚書嘗劾蘇師旦有直聲文勝以人才舉為江州幹辦公事景定四年呂文德請開榷場於樊城文勝聞之進策督府曰是資盜糧而以樊予敵也襄樊為東南保障無襄樊則東南不可守矣請奏停榷設備不聽遂辭疾歸家素豐好施予臨安大禋文勝運粟千斛為賑者倡嘗施財建報國寺鐘樓佛閣又架石梁于南市本名通利居民德之因名華家橋並所居之兜街亦以華名焉子二元實元升元實字端人賈似道奏買公田于浙西浙中大擾破家者眾元實慨然以田之半輸之官似道舉為著作郎辭不受自是扁戶鎮

官每造廬求見不可得元實子璵字玉衡以薦舉為定遠主簿時行經界推排法地尺寸皆有稅璵力請郡守凡山溪澗沼沙磧概寬推排卒于官

汪志

史博字約之宋季南潯人博極窮書尤邃于易元世祖平江南求南人欲用之遠近交辟皆不就

汪志

陸盛字子儀唐忠宣公贇十七世孫宋御史大夫因家世為宋臣不甘仕元隱橫山贅於南潯唐雷翁為壻遂遷居焉

陸氏家譜

龐樸字夷簡其先單州人高祖謙孺官太常博士宋南渡游寓湖州時邸戚競寓驛騷移居松陵樸少負才名宋末補春秋弟子員賈似道聘為塾師不赴錮不得試元初詔行臺御史程鉅

夫訪南士徵不起強至再出授翰林修撰奉勅修宋遼金三史同官多北人欲統金附宋樸曰昔曹魏不附蜀漢元魏不附齊梁此綱目所以重大統也今元繼宋統近接漢唐遠追三代若承金統近接遼矣遼以上無可繼者總裁不從按舊志俱作總登瀛曰脫脫為三史都總裁在順帝至正三年非世祖時疑總裁當為耶律鑄未敢臆定然非脫脫則明甚同事門人貢師道復力辨之擬轉外秩遂引疾歸居南潯趙孟頫陳孚咸與倡和自號五湖狂叟今其後人世居潯東汪志

徐愷字士元隱居不仕畫山水師李成幼從外氏姓稱莫士元汪志張士諒字君聲號思齋先世居泰州士諒仕元為提舉官于浙西按舊志俱云安吉路提舉攷元無安吉路但有湖州路領安吉縣其田賦善農提舉皆在平江路儒學官醫提舉皆在行

省財賦提舉則平江杭州皆有之又常湖等處茶園都提舉司所統有安吉提領所並無安吉提舉故不復質言明興

遂隱于潯南之善田灣自號八十九公洪武六年徵召隱逸有司三舉不應杜門著書以訓課其子孫今稱善田張氏者皆其

後裔也汪志

褚天祐字善甫號友竹世居朱塢勤儉起家日增田業差役餽重處之泰然病而無醫者施藥以濟之死而無歸者給棺以殯之力行好事歲以為常朱塢褚公祠碣從子錫珪字君玉性沈靜究心經史游庠序間有俊聲安定書院舉之儒臺授東陽教諭錫珪曰吾親老且病忍一日去側耶雖不仕得朝夕侍吾親吾志滿矣遂辭事親孝親有疾衣不解帶者累月藥餌必親嘗乃進族有貧不自給者則貸之粟又多蓄善藥以濟人晚歲創樂閒堂

築圃蒔花以自娛邦人稱之為樂閒先生縣志

董仁壽原名珏又名辰壽字子復七世祖貞元宋政和中自海

州徙居烏程梅林里父正四縣學生仁壽博學有賢行元末父

子相戒不仕明興浙江行中書省薦於朝三徵弗就鑿石船以

隱曰石船爛吾其仕矣曾和智覺禪師明本梅花詩百首按詩萃作

數十首楊維禎亟稱之贅於潯溪沈氏遂遷自梅林里而世居焉

明

華裕昆字容齋璵元孫曾祖欽元初以博學薦授明州教授又

以經術精通薦為國子博士擢集慶路總管府判官告歸與社

學長集民之秀者講學無虛日學者稱南陽先生祖振道字文

河元宣義郎主常平坑治農田水利以父喪歸築別業於潯北

彩虹橋曰曉山園父宏綱字純一元承事郎更於石澗之陽築

園名小桃源以二園授二子長居南次居北稱南北房焉裕昆

為宏綱次子倜儻任俠元末張士誠割據三吳不戒於兵寇多

嘯聚於具區七十二峯間裕昆倡捐結社于潯北軍吳漾并諭

諸澗港俱召募鄉勇編聯保甲每甲出壯丁十人演拳棒更番

持械擊柝以防竊發村多漁舟亦以保甲法十舟為隊約盜發

鳴鉦羣駕篙艫巡綽盜乃不敢犯潯人目華園為一方保障明

太祖起兵攻士誠弟於長興德清辟為團練使使作鄉導洪武

二十六年卒子揚字顯卿洪武初補弟子員至北平謁淮安侯

華雲龍雲龍以子弟遠來喜甚畀以贊畫軍務先是雲龍與徐

達常遇春擊士誠兵於湖州嘉興間而南潯東遷舊館及阜林
 為屯兵交戰之所雲龍以此為族黨祖宗墳墓所在每戒軍士
 毋殺掠毋焚民居故下城之日民皆安堵至是鎮守北平揚從
 之為合郡生民謝并為條陳開塞諸要畧無何告歸永樂十一
 年卒揚子天_三隱于耕朝廷訪求賢哲隱逸之士有司以薦辭
 不就自號無庸處士_{汪志}

張文顯字明光士諒曾孫祖立字吾行洪武八年徵召賢良任
 國子監學錄父良保縣學生文顯府學生_{汪志}研經稽古重義疏
 財_{范志}成化十七年大水發粟賑饑巡按以尙義旌詔授七品散
 官正德五年大水復捐粟賑饑巡撫孫元貞旌曰齒德兼優有
 諸生某寔甚鬻其女為人婢文顯為贖歸擇壻嫁焉饑民鄭七

聚黨數百人沿村掠食相戒勿驚張善人家文顯聞之遂隻身
 往見反覆開諭眾即解散里人德之卒年八十七_{汪志}

沈貴字仲華其先本湖州人徙長洲之東蔡村_{留青日札}後又徙烏

程之南潯_{縣志}父祐致富不貲_{留青日札}兄富字仲榮行三人以萬三

秀呼之_{天祿識餘}而呼貴為萬四_{縣志}明初富曾為太祖犒軍而築都

城三之一太祖忌欲誅之以馬后諫釋而戍滇_{勝朝彤史}籍其

家有田數千頃_{劉三吾撰沈漢傑墓志}貴嘗以詩諷富云錦衣玉食非為

福檀板金尊可罷休何似子孫長久計瓦盆盛酒木棉裘富不

聽貴遂隱於終南不知所終_{天祿識餘}吳僧溫日觀善畫葡萄出新

意以飛白書體為之貴傳其法亦佳_{農田餘話}

陸巖字蘭谷太學生高祖勝觀洪武中充山西屯尉軍曾祖孟

和一名遠號中和國子監苑馬寺丞祖文字宗儒號存省錫山
 縣丞父椿字士齡號筠谷以征蠻有功特授錦衣衛指揮使巖
 勤貨殖致富於大橋之北買顧提舉宅而新之年七十三而終
 葬南柵窆一圩子長曰元吉次曰元祥元吉號槎川豪俠好義
 先時里中陸敬德傭力元吉家勤學十餘年遂得入泮與元吉
 同飲於馮家眾推敬德首座元吉忿然而歸年二十餘已賈二
 年矣至是復刻苦劬學晝夜不輟五載而游庠嘉靖壬午恩貢
 又十餘年任北直隸滿城縣仿趙廣漢治迹搏擊豪強玩法者
 束手百姓安堵號為仁君邑中奸豪賄長官遂以律外加刑罷
 而父老攀轅卧轍抵暮乃從間道而歸治家嚴肅內外咸敬憚
 居恒賦詩飲酒以養天和年五十四而卒子充齡另有傳

陸氏家譜

陳理字用和號橘莊好善樂施得異人授女科醫術名冠兩浙
 天順間遷居南潯南柵子謨字嘉言孫元器字子重俱為太醫
 院官至今世其業婦女亦知藥性人目為陳藥婆家明時有夏
 廷秀號怡閒由諸生膺薦辟任太醫院院判謝事數載壽終於
 家自是夏氏世以醫著又有董侑字遺安以醫名於時隆慶中

卒汪志

溫璉號清樂先世由太原至長興者為大司馬馬雲中諱祥卿以
 儒士獻策明太祖佐大將軍耿炳文守長興因家焉司馬之姪
 清樂復由長興遷烏程之七里溫棐忱朝列大夫長史公家傳敦行尚義鄉黨
 推長者正德中舉為糧長誠實不欺縣志家富於財享年九十九
 所謂百歲翁也長史公家傳按縣志引浙江通志溫璉號清樂又引湖錄溫廷玉字清樂所引事實大旨相同

疑一人誤 曾孫璋 戴田有温 號桂軒成化間解糧京師道由山

東值歲祲民競鬻妻女輸賦璋即捐所運糧千二百石代輸抵

京假貸自納事聞有旨褒異給章服 縣志

張洪字柳莊文顯子 汪志 未冠即為諸生淹貫經史研精古學疏

財重義周急扶危儒林推重之 范志 宏治朝舉賢良授王府紀善

改應天府教授又改甯波府教授嘉靖丙午倭寇甯台時無行

諸生及仕宦不得志者競為鄉導入城焚掠洪及妻蕭氏妾陳

氏同殉節于官署卹謚貞愍蔭子昂入太學 張氏譜 按張志

舉賢良授應天學正文皇登極釋奠先師登明倫堂曰此堂名

明倫今日君臣之義何在遂大哭觸柱死妻妾亦殉于官署未

邀卹典私謚貞愍先生范志云成化二年舉賢良授應天教諭

嘉靖壬午二月十四日殉節癸未四月初二日部議卹典賜謚

貞愍後次子昂蔭入太學諸說參差今姑

從張氏族譜仍附錄舊志俟攷 汪志

董環字良儀一字臣儀號翠榆仁壽曾孫父庠字文序且耕且

讀足不入城府構一丈室吟嘯其間額曰時習齋因以自號環

府學廩生正德中歲貢入都冢宰某因學使者薦致幣聘堅辭

不就後冢宰敗人服其遠識時苦重役當事者搆其弟名挺然

身任不以累弟及役久廢業唯日事觴詠怡情衡泌卒年六十

四以子份秩贈通議大夫 汪志

趙金字淮獻號心山自號蒼雪逸仙系出宋濟邸數傳居南潯

博學強記工詩文善畫尤精於醫劉麟顧應祥張寰文徵明結

峴山會邀之入社不應 按范志作與諸君子結社峴山譌 正德中詔徵奇能隱

士有司薦舉敦促再三終不應晚年知府李頤重其名五辟鄉

賓亦不應家故貧夷然不以屑意所居當闔闔中閉戶讀書入

門者肅然宛如深壑行高潔非其義介然不可奪亦不為矯亢之行當武廟末年詔徵天下書畫士如楊循吉高簡未免呈身卒受辱歸金獨超然卒完其節六十即為壽藏自為生祭文輓詩自是不復出年八十九無疾端坐而逝是為萬曆庚辰九月

五祀祀鄉賢

按胡府志羅縣志鄉賢祠皆無趙金吳興藝文補

人祀於學宮甚耻之顧心山先生尚津津在人口也是亦謂其賢則當時實曾入祀即國子藻孫雋皆能世其家學其壻陸岳

金所自擇傳以醫行亦惇至雋字廣業後以字行更字長文號印渚力學攻詩頃刻千言不竭教授里中人無知者董斯張方學為詩與訂交自是詩學大進後因命其子說受業焉晚遊江西亦無所遇老於布衣崇禎壬午卒雋子棐字去非貧愈甚嘗

欲覓三百錢包麥飯附航入會城赴試不能得其後人竟以廢疾不娶而絕

汪志

董份字用均一字體化號潯陽山人環子嘉靖丁酉舉鄉薦辛丑成進士吏部觀政選庶吉士授翰林院編修與纂修會典轉右春坊右中允管國子司業事世宗齋居西宮簡儒臣橐筆侍直親擢翰林學士得乘騎出入禁中青詞多出其手尋加太常少卿賜一品服晉禮部右侍郎賜飛魚服支從二品俸轉吏部左侍郎兼翰林學士掌詹事府事會修承天大志為副總裁賜蟒服時壬戌正月也先是甲辰癸丑兩充會試同考官丙辰典武會試戊午主試北闈己未復充會試同考至是總裁南宮賜有東觀總裁之章所錄士最稱得人加工部尚書仍管吏部左

侍郎以父嘗困於諸生建議貢生就教職者並除近地為著令
 焉陞禮部尚書兼翰林學士內直如故時郊社廟祀率遣官代
 奏言天神無兩格之理請罷一切祕禱需次揆席忌者間之給
 事中歐陽一敬論劾奪職為民歸里與唐樞蔣瑤為逸老堂之
 會時比宋之耆英洛社焉收卹族人創義田築義宅義塾又為
 義倉而義掩於富晚年鄉民鼓譟不勝斂避以病卒遺命毋書
 吾故官以白布三尺題曰耐辱主人足矣時萬曆二十三年年
 八十六子道醇字子儒初名元功字懋德號龍山癸未進士行
 人司行人晉南京工科給事中事後母曲盡孝養先份卒年五
 十二道醇子六嗣成嗣茂嗣昭嗣昕嗣暉斯張嗣成斯張自有
 傳嗣昭字叔敬號中條以孝友稱年二十一舉乙未進士禮部

觀政僅五十日歿於京邸嗣昕字季爽附監生善畫山水得石
 門宋旭筆法哭母嘔血病遂不起人以爲董季子死孝嗣暉字

幼函附監生有孝行早卒

汪志

紀濂字宗周號明齋其先汴人宋南渡居金陵元時有紀秀者
 徙潯居焉父廷鉞字威之號泉石高行不仕濂少篤友愛弟嘗
 被誣抵獄傾家往救得出嘉靖丙午舉於鄉入都館嚴嵩家理
 義自閑嚴敗不及謁選光州知州州故為貪墨者所魚肉民不
 堪命乃下令罷供億平收發除罰鍰禁賤市省里甲諸腴民者
 悉去之民相慶得生州介淮黃汝漢之間冠蓋絡繹取道既悉
 革諸費無以應士大夫或銜之藩府中貴人爭益甚適有行州
 中見所布令察其實驚曰彼方自苦豈獨嗇人至有引車郭外

驅過曰毋苦紀君為也然事皆有宜無已甚廩傳減而不乏徒役少而無道亡久之更稱便焉民好訟而多盜尺布斗米以上或愬監司下州株連坐罪不勝數濂閱獄大笑輒盡論釋報允遣出州仇氏者大盜也聚黨剽光黃間歷數守捕弗獲一日眾忽擁仇至愕問之則諸被釋者轉諭其黨同奮死縛以報効者也大喜勞釋者案仇而赦其黨民遂安堵轉工部營繕司員外郎改刑部河南司隆慶元年遷兵部車駕司郎中未任以疾卒年六十族孫縱羣字眾甫號太傅泰昌庚申恩貢南直隸靈璧訓導遷靖江教諭陞太和知縣調廣東永安知縣獲巨盜五人亦仿濂法勸諭釋放盜佯感泣而仍不悛幾以縱盜獲譴幸當軸鑒其無他得引疾歸温體仁少時嘗與縱羣同學後柄國政

屢遣人存問縱羣於寒暄外無一語及私濂又有族子有林字

子茂禮部儒士嘗剗股療父病以孝稱汪志濂孫象台字汝瞻號

宣符好古力學餼于縣庠貢入北京國子監紀慶曾宣符異才

天挺每當落筆奇情橫溢董斯張書紀授廣西河池州同知廉

潔自矢邊民安堵陞宣山知縣移任荔波忻城隆安俱有政稱

以病歸甲申春北都告陷憤懣不食者累日明年夏大兵渡江

諸郡縣降服恐後象台自以世食明祿猶借故國遺臣日夜部

署兵食思為魯陽戈之揮未及發順治丙戌正月以憂卒年六

十三家傳

陸充齡字子久號抑齋先世自嘉興遷潯充齡幼孤事母至孝

嘉靖壬子舉人江西高安知縣調繁永豐民懷吏畏鯁直忤時

罷歸年八十一卒子以載字處厚號秀源初名德望隆慶庚午應天舉人福建福安知縣因俗而治案無留牘縣人立祠祀焉福甯州境濱海水利使者屬以載治堰民不擾而功完固至今號陸公堰陞四川叙州府通判丁外艱歸遂不出壽至八十五

汪志

溫應祿字以庸號古渠嘉靖癸丑進士時殿試策例排偶應祿獨以逸氣散行縱筆淋漓上奇之擢第三人授翰林院編修會河南山陝地震死者相望海賊汪直糾倭入寇江西俱被殘破應祿語政府及大司農曰生民塗炭矣荒於天災又荒於海寇盍以蠲振請於上曰無言事者應祿即草疏畧云國家太倉之粟太府之錢計其羨餘堪給度支今之議救災議振荒者曰宥

罪曰蠲宿逋夫宥罪則長惡而縱奸蠲宿逋則胥吏侵漁頑梗霑惠總無益於良民臣請恩蠲本年田賦俾人人實受聖澤奏上不行踰年暴卒官應祿性純孝善承親志雖在史館每以不得祿養為歉所為詩文氣邁豪古而仕不展志壽不享年人皆惜之

縣志

溫應聘字一渠希明長子由監貢歷任兵馬司指揮四川提舉使靖江王府長史進階朝列大夫溫氏家譜少時常入留都宿逆旅遇一生方巾布袍喟然而歎問之曰應試無費將徒行歸耳應聘立解囊出金五兩遺之不記其姓名及官兵馬司申相國時行居政府申出潯陽董宗伯之門謂宗伯子給諫某君曰君與溫氏有交乎曰姻也曰溫氏一渠丈君知其人乎曰今南城兵

南清志 卷十一
馬司是也相國驚曰某故人也爲人長者君語之某日過我相國覽揆日也應聘弗肯往給諫強之至期公卿畢集應聘投謁遄返門者馳騎遮留相國亟降階攜手入閣門謝客而獨與應聘飲竟日爲言向者逆旅事人於是始知相國爲應聘布衣交而不言也陞四川鹽課提舉司提舉成都殷富有吏作奸價騰踊應聘廉得其情治以法巡按御史吳某旌之曰長才雅能振刷厲志卓有操持奸吏畏其威遠商懷其惠而以兵馬司時他事左遷靖江左長史王雅重應聘朝罷從容延訪應聘熟於典故爲陳祖宗朝睦親至意所以增建削奪始末王倚之如左右手尋以老乞歸賜額曰良輔方應聘之爲四川提舉也相國以書貽之其畧曰僕方逆旅貧困時於公素無平生之舊公乃慨

然援吾非世之具隻眼有仁心者不能也天下事得公等數人任之於治不難惜祖宗朝限於資格然吾爲國家人才計俟考滿時必當特薦公應聘曰吾與相國逆旅之知豈爲官階地耶堅辭之年七十相國祝以詩曰赤松遊已心初遂白首交仍感自真聊以湖中一尊酒殷勤長醉百年身感舊也年八十二卒子太學生温棐忱朝列大夫家傳子正字涵所少穎異讀書過目成誦朱相國國禎諸生時館於長史家最愛其文後以例遊南雍聲藉六堂冠其儕偶尋貢入北雍上舍十試鎖院温棐忱太學公家傳不遇身有隱德温氏家傳年七十一無疾卒家傳田萬年字賡復素饒于貲好施予人有急求之無不應萬歷間歲祲民饑蠲橐賑濟全活無算詔旌尙義冠帶汪志

張斗原名光斗字景北號文峯萬曆丁丑進士初授刑部主事有豪犯大辟託要人從大司寇居間斗竟置之法陞郎中知荊州府江陵獄起株連者眾斗以江陵輔少主十年明毅持法天下肅然朝廷之政出于一獨嫉異太過耳其刻廉務名職入不當分宜什二而株繫累累心竊憐之爲設權宜規措多方陞福建副使調補雲南平養寨苗王華之變賜白金晉右參政乞歸卒于道

汪志

朱守愚字汝明號心齋其先陝西涇陽人宋從事郎仁福從征方臘有功卒葬于潯因家焉父經字朝綱且賈且耕困於賦役守愚縣學生輒代父奔走又代之往役典庫藏先是典庫者爲有司所魚肉率破家至有雉經以殉者符下相嚮泣會御史龐

尙鵬按浙首疏行條鞭法罷一切徭賦應役有司不旬日而歸相慶如更生弗任試投牒自免髡工某素德於守愚有逐奴乘醉與鬪而工死里豪直以攻守愚會知府李頤廉知狀推官蘇士潤又旁贊之事得白雖處貧乏人有急難恒悉力赴之宗人以踐更鬪出已資代之乃解一牧豎病風甚厲歲大禱或勸驅去曰此兒一出門卽填溝壑矣爲療治養之終身子國禎旣成進士就養入都卒于天津以國禎秩贈光祿大夫

汪志

董嗣成字伯念號青芝道醇子天姿穎敏工詩文精六書尤善草聖星緯經脈之學丹青弧矢之藝莫不旁通年二十舉萬曆己卯鄉試明年庚辰進士廷對二甲第一授禮部儀制司主事晉精膳司員外郎主客司郎中時神宗倦政皇長子未出閣鄭

妃寵有爭立意十九年十二月會帝感疾遣官禘祭慨然上疏請慎養皇躬豫教元儲大畧謂麴蘖爲腐腸之藥柔曼爲伐性之斧調攝之功不可不留意震位不可以久虛宮闈非所以養德冊立之命不可不亟行疏留中明年正月戶科給事中孟養浩疏爭降削科臣李獻可等有五不可帝大怒廷杖百除其名是日風霾日暝朝士相顧失色喧傳養浩杖斃同時諫官被斥者十一人嗣成策馬歸邸適賓客滿座飲酒不盡卮起闔戶草疏畧言諸臣所言並社稷至計黜降刑罰非悞諫之具畏法懼罪非忠義之夫敢諫者皆去則所留者必畏縮與諂佞者耳安得倣儻之士與陛下共理者臣見陛下之孤立於朝廷也詰旦實封以進始出副本示同舍郎讀其疏者莫不心怖股慄謂是

且危於孟公而嗣成意氣自如易服出舍待命左掖廡下方草疏之夕舍中兒挾戶入以母老子幼請嗣成擗襟大言曰今日之事倡言首禍者我也誼不使孟給諫獨死我獨生且我三世食天祿奈何愛七尺不爲明主一忠言決矣無可奪者於是舍中兒涕泣市良藥或治木以待帝覽疏怒抵之地已復取覽嘻曰若不畏死耶坐以出位妄言罪削籍去嗣成祖父仍世貴顯豪富冠東南嗣成以氣節著士論多之家居讀史至馮讜請市義策田文輒三復歎曰安得如彈鋏生白我王父乎一旦請之祖曰大人所設義倉意在惠此一方耳盍亦推廣盛事諸所置田園廬舍剖其什三以予民否則量其值而予之金庶幾積而能散祖善其說卽命處分刁民所欲不遂反肆鼓譟適巡按彭

應參至湖控告紛紛久而方定人咸稱其義而歎民之不古若也憤懣構痞疾頃之祖亡哀毀亦卒年三十六光宗卽位詔復原官天啟三年吏部續疏闡幽贈光祿寺少卿

汪志 李宗賢考范夫人懷弟

詩注作尚寶少卿

許兆禎字培元布衣精醫術著錄于秀水太醫院使贈少保朱儒之門儒取其所撰診翼藥準方紀醫鏡四部合名之曰醫家四書儒曾孫貴陽知府茂時鏤板行之方書成時申時行李廷機朱國禎均爲作序儒亦題其簡端兆禎之名海內無不知之者

按范志以兆禎爲國朝人譌汪志

朱國禎字文寧號平涵又號虬庵居士守愚子萬曆己丑進士改翰林院庶吉士丁外艱起補檢討戊戌分考禮闈庚子典閩

試得周起元等多爲名臣辛丑告養母湖俗逋賦紳衿免徭役富民復事詭寄獨累貧丁會編審創議均田均役眾大譁國禎曰是難以口舌爭因先自計田占役與編戶等眾始大服復移書巡撫極言賣富差貧之弊計畝定役役法少變貧民得蘇其法便于民不便于宦側目者爭起圖之尋被論壬寅丁丙艱甲辰起南國子監祭酒丙午陞右春坊右諭德請告歸里戊申江浙大水致書撫按力請蠲卹并條上救荒略會知府陳幼學恫瘼民隱同心區畫災民賴之辛亥轉左春坊左庶子壬子陞北祭酒誓墓不起天啟辛酉起禮部右侍郎辭不獲壬戌入都行至中途請告回將抵家而枚卜之命下癸亥正月拜禮部尚書兼東閣大學士與顧秉謙朱延禧魏廣微並命閣中已有葉向

高韓爌何宗彥朱國祚史繼偕又驟增四人直房幾不容坐六月國禎還朝兼謙延禧以列名在後謙居其次改文淵閣大學士累加少保兼太子太保甲子春晉戶部尚書武英殿大學士知經筵日講制誥總裁國史實錄尋加少傅兼太子太傅東南又水疏請改折戶部以倉無現糧不肯覆國禎力言之乃改折三分魏忠賢竊柄國禎佐向高多所調護楊漣劾忠賢廷臣多勸向高出疏至有詬者向高愠甚國禎請容之及向高密奏忤忠賢決計去謂國禎曰我去蒲州更非其敵公亦當早歸蒲州謂爌也向高罷爌為首輔爌罷國禎為首輔廣微與忠賢表裏為奸視國禎蔑如其冬為逆黨李蕃所劾三疏引疾忠賢謂其黨曰此老亦邪人但不作惡可令善去乃加少師兼太子太師

晉吏部尚書兼建極殿大學士

沈登瀛曰諸陞轉皆本自誌行畧及請卹典疏參以府縣志封

贈表葉向高董斯張詩文集皆合府志人物傳誤

賜銀幣廕子中書舍人遣行人送歸

月廩輿夫皆如制崇禎元年遣行人存問加太保五年卒年七十六贈太傅諡文肅予祭葬子四長緯初名紹煒次綰初名紹

烜次紹炫次紳初名紹炯綰字爾成號誠所

按董志作爾臣范志作爾繩董氏宗

譜作爾誠縣學生廕授五軍都督府都事

按董志作內閣中書舍人紳字公申縣

學生廕授中書科中書舍人邁家難為知府某所持會大計某

輦金入都門為邏者所獲既而賄中貴寢其事紳抗疏發其狀

事連大璫疏留中再上得旨廷杖卒綰子七錫如鑑如鎔如鉉如鏡如鏘如鎮如錫如字宗黃號訥庵縣學生廕授中書科中書舍人順治辛丑孔孟文訐錢纘曾通海纘曾逃匿其家被執

連染死按朱氏譜錫如卒康熙壬寅六月初一日與朱彝尊貞

孫閱平攷平乃壬寅歲貢雖本鑑如字有子號戒庵廕授中書

科中書舍人按舊志及朱氏譜作甲申之變為闖賊所執不屈

死未邀卹典私謚忠愍先生鎔如字右陶號壘庵廕授五軍都

督府都事乙酉起兵南溟帥其眾數千北拒 王師尋敗被執

語不屈斷喉死其友潛抱屍以楮封喉而殮之歸其家妻王氏

一慟而絕既蘇日痛哭斷腸死明末二十年間烏程三輔臣先

後擢用沈文定灌于天啟辛酉進文淵閣溫文忠體仁于崇禎

戊辰進武英殿歷首揆柄政最久三人居相距不過十里一時

傳為盛事國禎當逆璫肆虐門戶水火之際獨能不阿璫不樹

黨潔身引退性真率剴怛曾脫海寧陳公子之冤獄休休有大

臣風度而遇非其時不克盡用位至輔相家業蕭然歸田後留

心典故成史概湧幢小品諸書子若孫恪守家訓不敢以貴胄

驕鄉里卒能為國捐軀國論鄉評咸推重焉汪志

華士嶠字孺抑號傲新天民來孫父尚能縣學生士嶠萬曆辛

丑進士授福建松溪知縣縣繞崇山盜立堡屯儲如敵國為仿

置鼓團營法一方有警則聲聞百里俄頃就擒又視其出入轉

運之途令兵民合一置寨設堠縱火焚山逸出者即擒以聞屯

守甫匝月盜果窮餓來款梟渠魁數人四境帖然調建寧縣充

丙午鄉試同考官縣吏侵蝕錢糧民好博好訟並治以法不少

貸清查屯政盛署履畝親核之以卓異薦擢南兵部車駕司主

事歷工部都水司郎中陳船政十弊鑄錢五利皆中窾要及管

節慎庫則懲奸吏嚴出納夙弊一清將外轉會病辭里居二年卒兩縣士民共立祠祀名宦子二仁源仁溥仁源字大生廩貢生入都依侍郎公鼐幕下按董志作侍郎周庭乃誤以鼐之字為姓名時遼事紛更當局了無成算因從容諷鼐曰遼事之壞不壞于兵餉之單寡而壞于糾彈之苛刻若熊經略之築屯而敵少卻可謂難矣乃眾口鑠金查覈逮訊何為者當此戎馬生郊之秋得一人甚難凡有心者皆當愛惜其才乃縛手繫足俾難展布守非戰是過作推求又何為者鼐深契其言欲疏救會爰書已成莫可挽仁源浩歎而已就選得南直隸桃源縣丞江淮大饑條陳荒政且禁遊惰嚴保甲以鯁直忤時免官仁溥字仁仲號濟之縣學生汪性豪邁歷遊汴洛楚閩所至即着屐捫蘿登高作賦逾年歸

心益超曠下筆泉涌范志時逆璫肆虐因縱酒高歌頽然自放所親有被劫者挺身訟之邂逅有落魄者解囊贈之病卒無子立兄仁源季子允楨為嗣允楨原名用梅字開先一作開山自號青城山人少為諸生以貢入成均往南都聞莊烈帝殉社稷慟哭三日夜遂棄去當是時荏苒閭里與董漢策等議保甲多所條略躬冒險探出沒同里紀年以義旗誣逮獨挺身保其無他當事疑有私並下獄既廉其冤皆獲免本生母朱氏遇賊赴水急躍入負母以不善水瀕死者數四始得渡歲祲斗粟四百錢悉所貯散之無何史事成獄目擊諸人遘禍遂與道衲講無生之學逍遙物外焉汪志

莊日宣字懋昭號復我先世居吳江十三都父思始徙于潯思

字子睿號九溪禮部儒士仁厚喜施里有子亡父金者撻而投之水急救之育於家給衣食者累歲遇歲歉輒蠲償存活甚眾而於族誼尤厚日宣萬曆甲午舉人謁選江西廣昌知縣調繁崇仁並有政聲舉卓異除陝西鞏昌府同知屢以邊功題敘改廣西平樂府同知擢潯州知府會寇亂嘯聚勦撫多方四境帖然遷桂林兵巡道按察副使致政歸所在並祀名宦立德政碑記卒年八十同里丁樹本字仁仲號昆吾與日宣同舉于鄉山東知縣晉泰安知州解組時民勒去思碑屢舉鄉飲辭卒年七十五又有吳中穎字君脫號支磯壬子舉人南直隸太平知縣

按董志作太和譌

以清執歸士民立去思碑汪

紀滢字宗源號涵泉鄉飲賓萬曆三十四年奉恩詔例准冠帶

有司頒給清朝耆舊匾額童稚時隨生母寄養兄處嫂以馬料豆雜飯中滢私食其豆而以飯奉母嘗共屠姓充里役簽解絲綿入京滢憐屠老且貧遂獨任其役至則駁難壓折賠費至千金終無怨言同里朱某老而無子自營後事售桑地與滢立券涕泣滢惻然憫之曰是異於世之不肖棄先業供飲博而且揚揚自得者乃退地十之一令其夫婦居之終身人有侵其田址者滢怡然曰彼與我皆王土也卒不與校紀氏族譜
溫育仁字幼真烏程人以兄體仁蔭任應天通判署溧水知縣有惠政邑人建祠歷官南刑部郎中縣志考績以知府用府志引疾歸田為人醇謹謙厚砥礪廉隅不稍苟且縣志兄方柄國而有官不受其勇退有足多者府志

王振宇一名勳始居藏穀橋崇禎間同里某柄政性陰鷲外示孤介為莊烈帝所信任凡朝臣不附已者悉擯斥之其子弟倚勢不法於鄉鄉人咸畏之振宇獨不為屈後以鄉練有功例得錦衣衛指揮屬官振宇恐為某所中傷力辭賜官帶歸里順治

中卒 王氏家譜

溫是字曰甫歲貢生績學高行子良學字叔子號大愚 溫氏家譜一

號散宜 縣志 歸安庠生 溫氏家譜 端慤不苟言笑 縣志 晚好詩能苦吟其

思艱而詞澀觀者歎為奇奧 吳涵傳畧 師事族兄璜深沈刻厲 縣志 以

儒學著名 府志 璜殉節徽州遂棄舉業與從弟澐逃名世外時當

荒亂流殍載道父嘗有餘錢散鄰里間悉焚其券不責償家業

中落處之泰然 縣志

溫澐字其旋號履庵生而卓犖貢入成均族兄體仁方柄國藉勢者爭為聲援澐獨負笈入棲賢山不屑沾餘潤 縣志 崇禎中東南諸名士結復社以文章節義號召天下澐亦與焉吳門徐枋見澐於復社以體仁故意頗不相得後明亡復社諸生多出試場屋澐棄諸生服終身不出而枋匿迹太湖之濱聞澐高節屢作畫與詩貽澐澐懸之壁間曰吾與昭發時相對也 昭發枋字 然昭發今日知我耳徽州司理溫璜亦澐兄弟行先是璜知天下不可為使召澐至曰吾當以死報國家宗族事恃有汝在相與飲泣而別居無何南京失守徽州隨陷璜殺妻子自刎死澐遂隱居曰吾不忍負我兄一訣也與其友皆矢言久之其友皆變節以去澐獨與同縣高士嚴三求及學佛人棲雲善棲雲者姓沈

名葵明亦明諸生隱于僧者也潞為人忠厚宗族事無大小悉
身任雖勞且怨不避戴田有潞家傳詩文清峻拔俗刻璜遺集助其
孤郊成立人皆重之縣志

温璜初名以介字于石明史邱祖德傳別號寶忠李長祥徽州府司理寶忠温公傳生

三歲而孤府志母陸守節被旌明史璜自襁褓至壯皆稟母教司理

温公久為諸生有學行明史出就館穀東修悉以奉母年五十二

績學不倦舉崇禎丙子鄉試是年稽永仁温宗烈公寶忠傳母歿府志哀毀盡

禮稽廬于墓出入必為文以告府志服闋例應赴禮部試時族兄

體仁為相國秉政稽門生屬吏附之者如鴛全祖望推官温公傳璜慨然

曰吾清白人何苦坐權要累進身而犯眾忌耶避跡不應春官
益下帷鐙火沈酣於先正制舉業族人有因田屋爭累歲不決

各推券契赴璜求直璜裂券碎契投於地曰叔姪至親不思引
分就誼乃效市井較量錙銖寧不為祖宗罪人哉族人慚愧而

退璜為孝廉七載相國致政歸始上公車更今名捷崇禎癸未

科稽傳出吳給事甘來門吳甚重之全傳以二甲授推官得徽州下

車平反訟獄得兩造情實不喜深刻暇時與都人士敦厲行義

講求學業會流寇薄京城懷宗自縊殉國難璜聞報慟哭稽北

向拜曰小臣璜大行皇帝所齋祓而登也不能執于戈衛社稷

使吾君蒙于難生不如死林乃整頓疆宇稽傳練民兵為保障計

明年南京亦覆明史清兵雲集林傳諸郡瓦解稽傳知府秦祖襄及諸

僚屬皆遁明史璜歎曰城無主民且相屠府志盡攝其印召士民慰

諭之明史激以大義縣志授兵登陴舊府志左僉都御史休寧金聲糾

集義勇保績溪黃山分兵阨六嶺璜與相犄角且轉餉給其軍

通鑑而徙家屬於瀾坑村舍府志未幾聲敗璜嚴兵自守明史恆引

佩刀歎曰此身當付汝陸心源吳同官某某以功名來誘璜峻

詞拒絕傳已知事不可為急取郡中助餉姓氏冊焚之縣志區分

後事攜幼子託居停方養重九月傳降人黃澍為反間引清師

入全傳璜趨歸村舍明史闔戶服朝服北面再拜拔劍傳殺其長女

寶德次殺其妻茅妻女皆延頸就死吳興詩存乃索筆書百餘字略

曰世受國恩一死圖報妻與長女已俱殉幼子季女如其不容

并殺之可李傳遂自到府志頸血淋漓濺地因連刃手怯破喉未死

目炯炯不閉傳幕府命舁之至視其創處相謂温先生何苦我

握兵南來未見有如温先生者温先生何獨苦懸賞購醫醫至

不受兩手據創處裂其喉而死李傳年六十一耆民汪正本方時

照等具棺衾成禮而殮合殯璜暨茅氏淑人與長女寶德復祀

璜於二賢祠因璜故更祠名為三賢歲時奉祀不衰傳至雍正

四年祀縣學忠義祠縣志乾隆四十一年 賜諡忠烈四庫全祀

鄉賢縣志璜平居寬厚未嘗有疾言遽色與體仁最友于如同懷

兄弟然始終無幾微攀援意林傳體仁死其家有潤仁者鄉舉拆

糊名得之相顧曰此烏程家也置之副科而璜無以此指之者

論者以比之史氏彌堅彌鞏方南都以防亂揭逐阮大鍼璜曰

阮大鍼為真小人錢謙益則偽君子真者易知偽者難測斯人

得志即小臣亦當裂麻爭之況同寮耶時人不以其言為然而

不知其言之中也全傳年老服官稟慈訓不少衰林傳讀書得大要

李傳注名復社第一集不以兄在相位見擯于清流吳興子旨召詩存早歿郊瑞學於田間以承父志祁瑞留新安亂定僕人攜之歸

董斯張原名嗣暉字然明號遐周又號借庵道醮第六子廩貢生按董志作原清羸善病汪志獨行孤嘯范志自號瘦居士於生計

最拙獨耽於書手錄不下百帙泛覽百家旁通二氏生平契厚皆海內名士汪志如吳郡范長倩雲間董元宰同郡潘昭度韓求

仲凌茗柯沈千秋諸公日與往還范志商榷著述汪志而篤好論詩與曹能始吳北海王亦房韓人穀范東生吳凝父孫孟樸范志結

社聯吟力扶詩教留心吳興掌故一為藝文補一為備志伏牀咯血猶兀兀點筆年四十三崇禎元年卒按吹景集靜歡齋隱跋云廣曙識東藏寺

報國寺石刻亦稱董廣曙蓋斯張一名廣曙譜所失載○汪志董說字若雨號西庵自稱鷓鴣生斯張子幼時謁開元寺聞谷

大師廣印錫名智齡事母至孝畢生孺慕不衰年十四補弟子員旋食廩餼出太倉張溥門工古文詞江左名士爭相傾倒而

姿稟孤特與俗寡諧按詩萃云名著復社沈登瀛曰攷吳翻復社盛於崇禎己巳庚午數年後更國變遂棄諸生改姓林名蹇

字遠遊號南村亦稱林鬍子又稱槁木林飯依靈巖繼起大師宏儲名之曰元潛字俟庵屏迹豐草庵宗親莫覩其面精研五

經尤邃於易方言地志星經律法釋老之書靡不鉤纂少未嘗作詩西戌以後始為詩以寫其空坑崖海之思樂府出入漢魏

丙申秋削髮靈巖縣志更名南潛字月涵按明詩綜云字寶雲一作月巖號

補樵一號楓巢又名本以雲遊四方浮湘上衡岳至長沙見陶
 汝鼐傾蓋言歡晤寓公黃周星曰此古之傷心人也展桑海遺
 民錄黯然而別已歸吳中主古堯峯寶雲院時往來於洞庭之
 西小湖及潯溪補船庵之間甲子母亡葬畢歸山遂不復至嘗
 寓吳之夕香庵一當事屏輿從訪之聞聲避匿當事歎息而去
 年六十七示寂夕香時康熙丙寅五月六日也子樵牧耒舫漁
 村說戒諸子棄舉業以韋布終其身兄弟六人確守家訓村早
 卒餘並有聲汪志樵字裘夏號蔗園董氏譜著書修行為滄海之遺
 民而與耒學尤拔出詩亦澹蕩俊偉各擅一場學者宗之幾成
 南潯詩派說既為僧諸子皆稱弟子各命以法名曰靈璧樵靈
 珏耒旨徑牧旨勝舫又有旨然即村也唯漁名無攷說所著書

甚夥樵等貧不能齊刊門人紀官慮其久而散佚為刻遺文總

目冀遇好事者梓以傳焉汪志

陳忱字遐心號雁蕩山樵其先自長興遷潯閱數傳至忱讀書
 晦藏以賣卜自給究心經史稗編野乘無不貫穿好作詩文鄉
 薦紳咸推重之惜貧老以終詩文雜著俱散佚不傳汪志

董汝煌字幼文號胎簪父嗣昂字仲頰號寧寓喜施子家雖落
 猶好義不衰汝煌縣學生甲申後閉戶著書嘗謂經學不明舉
 業家壞之也士欲明經不當以舉業為逢時之具初治詩已而
 學易研精數載與族弟說姪漢策晨夕討論時號上林三易漢
 策為小人所搆訟幾蹈不測汝煌挺身為之辨雪潯上有恃才
 妄作者汝煌聞而歎曰古來史家非有人禍必有天殃况不知

而作難乎免於今之世矣已而大獄起諸與名者皆伏法晚年患足痺自稱跛隱年七十五卒子震虬字鱗九府學生戚友有急需傾囊無所吝死則經紀其喪恤其孤鼎革時荏苒竊發首畫防禦之策人有固志鎮賴以完先汝煌卒

汪志

董式字印先明歲貢生不赴廷試甲申後絕意進取屢舉鄉飲賓固辭

汪志

莊允城字君維世居吳江之陸家港允城始徙南潯歲貢生為復社遺老子廷鑑字子美年十九中拔萃選旋目盲因史遷有左邱失明厥有國語之說遂欲著成一家言初故相朱公國禎取國家大事記及公卿章疏誌狀命胥鈔錄數十帙廷鑑得之爰招致賓客日夜編輯為明書書垂成而廷鑑卒無子允城流

涕曰我當先刻其書而後為之置嗣書凡百餘冊所附參訂姓氏二十四人皆一時知名士烏程令吳之榮見廷鑑所著多忌諱語遂持以要賂

莊氏史獄

竟拒之吳至吳江於坊間得是書即往吳江縣呈首事發

董志

執允城及廷鑑兄廷鉞與弟姪等之列名於是書者皆論死而發廷鑑墓焚其骨籍沒其家產其列名之

同產昆弟子男年十五以下者并妻子俱論戍廷鉞字佐璜明諸生才華最富七歲能詩著有百尺樓詩稿罹禍時年僅二十四茗上詩鈔選其詩作嚴三史虎邱志作嚴以云廷鑑允琛子字美三詞翰俱妙廷鑿長子濟字日鱗十歲補博士弟子員以文名遣戍瀋陽震澤沈鍊至戍所設奇運策救之歸濟更姓王有半硯齋詩稿莊君佩者允城從弟也獄急時君佩竭力營救

并給衣食復盡收十八人骸骨歸葬於祖塋之側莊西雍允城
族子在都知難發命善走者日馳五百里至家使區處後事越
五日邏者始及門廷鉞妻潘氏媵僕計阿翁隨潘至戍所事主
母備嘗荼苦主母死土人欲火葬阿翁以死爭得免乃收拾遺
骸走萬里歸葬莊氏史獄

南潯志卷十八終

南潯志卷十九

里人周慶雲纂

人物二

清 紀鎬

陸錫 陸士涓 陸嵩高

董錫 董道明 董嗣威

董思 董衡 董純人 董穀

董漢策 董廷勛

紀廉

齊治

吳明垣 姚梧

閔茂元 紀彩

張肩 褚介宗 邢鴻 王勇 董雍和 殷錦 殷澍

紀年

呂學 呂渭 郝坤

凌一鳳

夏蘂 夏煥

陳寅清

溫棐忱

溫貽孫

沈嘉

溫煥

溫煥 溫焯

沈平露

溫辰熈

蔣大潮

溫睿臨

沈國正

紀廷輝

閔南仲

紀星

薛觀奇

薛景燿 嚴雲衢

王九牧 王大聲

紀用思 揚楷

紀堯年

汪廷業

馮步青

董如璧

董

董聞京

董奕相 董文白

董延枋

董友松

董志林

董師植

方毅

楊鳳岐

董志階

董崢

董際

王玉士

倪蘭

倪璠

紀遠

紀官

紀寅

紀端

董炳文

董浩

董嘉言

董允文

張鳴鈞

夏封泰

夏光遠

夏開衡

袁大周

袁沂

陳冠羣

汪

董熈

董豐垣 肇鎧

董懋昭

董

董炎

曹大斌

曹爾价

謝洲

謝潮 孫世楷

姚石

姚景熹

王起鵬

董承勳

徐宏達

徐祖彬 紀月峰

沈子言

陳可升

潘尙仁

俞從龍

俞彬

清

紀鎬字武京號亦山一號西村逸圃汪縣學生識見明卓受業

湖濱張西廬時同里有構造逆史者徵集文士鎬以大義責之

杜門謝客事覺西廬被逮鎬獨不與其禍及張受戮往取其屍

百濟志

卷十九 人物二

哭而殯之

紀氏族譜

董錫字晉侯號望仙祖道明字昭夫明崇禎初壽八十餘知縣馬思理給冠帶旌耆德舉鄉飲賓父嗣威一名漢儒禮部儒士錫府學生勇於為義順治乙酉冬太湖巨盜突至環潯五百餘艘賊眾五千餘人鎮民駭走錫族姪漢策方率僮僕拒賊於北港賊陡從東入錫執槳與二三壯僕當之以一矢斃其前鋒而賊又有乘巨艦薄水道者或執火炬焚之巨艦沈賊殲焉東北稍定忽有踉蹌至者云賊從東南隅乘屋直達矣時拒賊人少勢不可動錫乃潛去遇賊擊之以矛賊蹶仆於是羣賊擁至巷戰良久賊乃輿尸遁去頃之江南督鎮猝至蓋偵賊來潯率大隊而尾剿者督帥詢狀大獎異焉己酉里中有籍產奉檄承佃

人苦偏累錫獨詣府縣請計戶均輸人咸德之年八十卒

汪志

陸錫字禹疇以載曾孫順治戊子拔貢江南常熟知縣待士以禮馭民以寬有古循吏風以罍誤去任後陸氏以吏治著者又有士涓嵩高士涓字熊臣號介夫康熙庚辰進士江南建平知縣興利剔弊有治績辛卯鄉試同考官所得皆宿儒致政歸汪志引掖後學梓里推重之范志嵩高字肩吾號敬堂歸安籍乾隆丙戌進士安徽太平知縣戊子江南鄉試同考官改雲南富民知縣署昭通府魯甸通判魯甸多山獨城南平疇十餘里墾種菽麥山水偶發卽湮沒為開渠築隄遂成沃壤過牛瀾江見水勢洶激多覆溺患築墩建橋往來利便至今橋與隄俱名陸公焉以病歸杜門不出者垂三十年

汪志

朱綸字公荃號允言縣學生順治八年水災條議救荒之策并捐資助賑知府張繼孔給惠治哀鴻四字知縣劉璽給代天雨粟四字匾額族黨姻戚賴以濟者無算橋梁道路率先伙助年九十一卒

汪志

董思字湛思號兼山又號懸圃式之長子也舊名靈預字潛虬後喪母而思不已泣曰我當名思遂改焉康熙壬子歲貢考授教諭以葬親亟歸汪志明末張庶常溥狎主復社以附東林延思及思從父說為之領袖當世名流俱以不識兩先生為恥其後復與石門呂季臣聚江浙十餘郡為澄社雜沓千餘人思為之勸立條約以重志節立氣概為尚入本朝屢中蜚語至遭奇禍家遂衰落沈炳巽權齋老人筆記藏書數萬卷無不披覽選明代古文歷

十餘載始定名曰文傳未問世遂卒說為撰小傳曰文章知名之士則唯謂湛思文人而一時蕃天官河渠禮樂平準諸學者謂湛思長經濟然湛思獨敦內行實得事親之微其稱之如此式次子衡字楚望號岱南順治甲午舉人第六子純人原名咸字存素監生考授州同式長女適東遷舉人沈重熙坐重案論死里中猾以董與沈有姻構式第四子渠成時渠成以例貢效用雲南純人挺身訴理遂得白既刁民王式復借前案羅織吾湖諸大家波及式思渠成俱困圍扉衡力請代父就繫究之父不能免而亦身與狂思長子穀士號叩銀臺代祖陳冤事獲少解踰年王式復構訟式及思又逮入都廷鞫純人亦星馳北上幸事得雪王式坐反誣流徙昆弟奉父南歸慶生還焉穀士

字書田號農山歸安學生汪志以才佐幕府搖筆千言立就晚困窮以卒有農山詩文集思次子穎佳字玉禾號中江與穀士並擅才名年十二入膠庠扶搖而上乃竟不第授經白下東蒙主賓山水之趣於詩發之特多警句李相天馥稱其詩蒼涼雄偉古體直追魏晉近體則驅三唐於腕下殆窮而後工者而以平子言愁文通賦恨為比董氏詩萃有中江編年詩及玉禾詩集海溪詩徵紀廡字个臣烏程學生英姿颯爽讀書之外兼嫻武事膂力絕人當戶而立數人拽之不能動廡少縱人無不仆者嘗因糶出太湖猝遇盜即以銀沈水中盜至廡危坐不為動搜之無所得皆踉蹌去盜既去廡即出銀于水不爽其處乙酉以後天下初定族人尚有與故明諸臣往還者其出入恆不由戶廡聞之歎

日日月出矣而燭火不息將為宗族憂因率眾拒於路後遂不復至其有膽力明大義如此紀磊曉寒樓雜憶

董漢策字帷儒號芝筠又號甦庵又號帚園嗣成孫父廷勛廕監生萬曆中兩次副榜漢策廩貢生少孤好讀書敦品行意氣豪邁孩提時聞有璫禍輒握所弄木斧作恨聲事孀母以孝聞拳勇絕倫亦通韜略而折節友生恂恂善下傍及劍客酒人射弈醫卜之流靡不傾接崇禎庚辰辛巳歲游飢身先捐賑遠近賴焉順治乙酉大兵抵震澤潯民震恐漢策即詣軍前止勿夜來潯卒無恙時太湖土寇焚劫囚人勒餉潯固濱湖自五月以後晨夕窺伺不惜重賞募勇士捍禦與同里嚴修保障陰折亂萌盜不敢犯十一月中旬馬要兵變誤傷善良於是潯人

議銷五兵而請益汎兵漢策曰此召寇之道也兵未至而賊先至矣賊黨果聯數百艘掩至時僮僕因弛備皆散去呼集僅得六七八人拒賊於北港鬪方酣賊已從南路入室復潛分三四輩撲賊於戶內賊大駭去已亥潯北屢有小警潯汎兵遊徼鄉民疑之有格鬪聞於郡副將督兵至幾不解漢策謁都司唐某伸前說乃旋師保全桑梓皆其力也湖中頻興大獄慮無以自保乃乞爲部院材官康熙初吳之榮首告莊氏逆書未發難先求貸於漢策及里人朱佑明漢策厚貽之佑明不應卒被株累而漢策僅免然告密之風未已迨癸卯而刁誣轉劇星火動成燎原漢策深懷義憤毅然曰吾不難捨我命救吾湖一方民間關陳奏事下西曹挺身對簿事雪南旋庚戌浙江大水范忠貞公

承謨時撫浙博訪荒政漢策以改折糴秬緩徵平糶諸議進悉舉行又奉行賑粥請易爲賑米旣復請移文江撫凡救荒諸善政悉如浙大江南北民忘歉歲先是撫按薦辟至再皆以養親力辭王子 詔舉賢良方正訪求山林隱逸之士承謨重其才特薦於 朝癸丑春敦促就道赴 闕引見奉 旨以科道員缺試用會柄國者挾有私憾忌者乘間中之曠承謨所參革之後潘司巡檢陳其忠訐告之隨被臺參下獄已而嚴鞫皆誣放歸田里益肆力羣書丹黃評騭雖臥廁手不釋癖嗜道家符籙自以爲雷雨可召鬼魅可破兼精青囊青烏易筮乙叢風角壬遁等學並有奇驗好獎掖善類施惠無望報心立義學設義田施幃絮捨藥餌葺橋梁焚券已責之事難更僕數康熙三十一

年卒年七十咸豐三年以孝子題 旌其著述有數十種行世

按順治甲午漢策作紫光朝謝科儀序自稱芝筠道者董麟科蓋其道士之名也 汪志

齊治字康成康熙丁巳烏程歲貢范志好學能詩莊廷鑑以脯修

招之其約已具二十四金矣後批曰果能專精勤敏則願加六

金遣僕送至治覽而訝之遂堅不赴以免於禍後以資為學博

陳寅清榴龕隨筆

吳明垣以醫名不用奇術人有以攻擊效夷然鄙之年八十矣

步趨若閒齒更生人問其故曰僕非有異術也惟不敢自戕其

生耳與老人姚梧善梧字澹庵少時蜚聲庠序喜作詩家貧甚

有助之粟及刀幣固辭不受其他技好與明垣同汪志

閔茂元字震湖住南柵外閔堂兜素業耕父為老諸生病亟醫

藥不效聞醫書有生肝可愈死疾之說遂以刀破腹剖肝和湯

飲進之父病遂起茂元殞絕復甦不數日創竟合時康熙元年

十一月十七日也咸豐三年以孝子題 旌同時有紀彩原名

志耀字繩武監生生未數歲父上猷棄家遠出比長泣告於母

將子身尋父母許之由是奔走崎嶇間一歸省母已復出凡數

十年卒無所遇汪志

張肩字爾就康熙初隱居潯南之石澗按張庚續畫徵錄以肩為平望人譌築遠

偏廬傍多栽竹年三十始讀書不數歲書法詩詞俱極迺美善

畫竹一時推重兼工山水人物又知天文推步之學晚館西洞

庭山秦氏十餘年其後里中以書名者有褚介宗字可烈號椒

園縣學生邢鴻字衛南號虹橋老人縣學武生汪志王鑄原名勇

字蘊成號雪浦監生嗜金石能詩工篆隸縣志以畫名者有董雍

和字宮在號穆庵縣學生善畫蝶殷錦工山水蘆雁殷澍工人

物尹錫字懷九號西村工山水尤善畫牛李偲號成蹊善寫生

工士女汪志

紀年字來之號乾山濂曾孫縣學生豪俠好義喜周急嘗寓蘇

州里人孫旭得罪奔匿捕者踵至即密具舟楫遣之出關捕者

搜檢不可得皆踉蹌去一日在潯歲暮曉暗無措有客袒而籲

于市者曰孰能拯我人曰非紀年不可客來謁年視其在窮途

氣兀傲書片紙假十緜遣之後中蜚語逮繫錢塘獄向客爲營

護得免耿尚二逆聞其名以金幣聘察其有異謀堅辭不往年

五十八卒汪志

呂學字時敏號海山善寫照更精人物山水康熙間浙江總督

李之芳既平耿逆大僚製屏爲贈或薦學爲狀出師攻守凱旋

始末寸人豆馬山川草木躍躍欲活懸諸吳市東西行者咸駭

歎名由此大振曾爲貝子某寫羣仙圖恭祝萬壽貝子令人都

將薦爲畫院長固辭不就貝子賜筆歌墨舞四字扁額歸葺園

圃蓄侍妾數人教之歌舞賓朋賞醺頗具豪侈之奉園有可也

亭臨池環柳日夕觴詠其間求畫盈門揮素應之少拂其意雖

餉千金不顧嘗赴蘇州知府之聘舟泊城外擔夫肩行李逸去

告諸知府圖其貌而緝之遣役至泊舟處出圖示人咸相譁曰

貌何酷似某也遂捕獲之行李固在也其寫照之妙如此無子

繼子渭字名世沈文定公灌曾孫能傳其筆法名噪一時又有

郝坤亦沈氏子字自修善寫生及山水人物得學之傳頗稱神

似汪志

凌一鳳字子威本雙林人明名醫凌漢章之後為紀氏館甥同父遷潯工書法嗜吟詠落落不偶寔困日甚適朝廷設針灸科訪求漢章後人有司以一鳳名應召入都授太醫院判頗信用其術嘗出入內廷或扈蹕巡行隆恩異數幾列于九卿六部間旋以屬吏不戒得罪削籍坐杖留京鬱鬱數年卒

汪志

夏鼐字元夫號玉厓父煥字龍寰家貧業藥肆遇窶人子不取值鼐以醫名少年貧窘時父客有寄橐金千者久無耗詢其人返之生平以濟人為事閭閻緩急任不顧害

汪志

陳寅清字霽山自浙之烏程徙居吳江之北麻後又寓城東蕩

上貧而耿介博古工詩與戴笠王載顧有孝友善康熙中年八

十餘卒著有餘草竹軒存草江村集秋霞集怡雲編嘯廬文

稿榴龕隨筆等書

紀磊望山樓雜鈔引吳江縣志

溫棐忱字恂孺號繼庵

溫氏家譜

自號溫山子又曰怪翁

棐忱自著怪翁傳

家故窘

同年

十四掠於盜繫而索貲者累月父拮据匍匐無以

充荏苒之欲瀕於死者數矣遇善人沈君慎所救以歸幸更生

焉年二十二補弟子員又三年為增廣生又十年廩於庠又五

年

五十五初

康熙乙丑

家譜

選貢成均

度自序

五十五初

任金華武義縣學教

諭

家譜

常遊京師不得意信宿歸性不喜見人人有跡之者輒避

匿

怪翁傳

居常靜坐守先人之敝廬耕先人之薄田十餘年

自序

五十五初

有志性命之學嘗讀濂洛諸書有會於心

棐忱哀僕沈嘉

著有篷窩

文集行世家譜子貽孫字穀繩一作穀芳亦字力疇歲貢生溇溪詩徵

歷任紹興府學海寧縣學訓導家譜蕭閒高曠懷抱古今有不可

一世之概時極為徐蘋村沈心齋兩先生所器重有愛吟軒詩

集詩徵裴忱僕沈嘉嘗語人曰吾主所言者理也人所言者氣也

侍立左右時間亦執疑以相質能識行草應對惟謹於貲財出

入有羨必以告雖纖悉不苟體素羸不能強步遇有事不避風

雷昏曉韓蘧廬亦嘗指而歎曰是可稱晉公子之從者沒之日

曰吾主飲食之恩嘉不能忘然猶眾所同也獨惓惓開示之恩

嘉能忘吾主哉嗚呼此可以見其志矣嘉生於康熙甲辰歿於

丁丑年三十四節哀僕沈嘉身居華胄不言利不

溫樸字梅士育仁子縣志貢生鄉進士溫氏家譜

附熱剛方正直唯義是趣屢遭困蹟操履不改壽八十二長子

焜字孟韜縣志明經貢士溫氏家譜次子焯字仲閻縣志號麓台歲貢生

候選訓導溫氏家譜皆以孝友稱縣志

沈平露字天輿一作天裕號連山自吳江鬻圩浜遷溇汪天資

英敏康熙庚午舉於鄉御史袁公委以選政學使張公延以閱

文並服其卓識授西林令卒於官范志

溫辰哭字容成世居烏程之七里村其事親也宗族以孝聞父

臥簣數年侍燥溼寒暑惟謹所嗜竭蹶以進而已或忍饑匿不

以傷其親既歿哀號頓擗躬負土以葬母老性嚴而委宛順從

得其歡欣教授於外詔其婦以晨昏之養必切以諄歸必問其

母母或色不怡執婦之手而撻之以釋親之嗔婦亦感夫教食

貧弗厭翁姑歿而事亡如存藉藉稱孝嘗問濂洛之旨謂人皆可以為聖者以厥性之維均吾欲求一刻之聖而未能日擾擾

乎其心斯非惟狂克念之訓乎年僅四十餘以歿節溫葉忱族子容成傳

蔣大潮字蒼圃縣志康熙間人國學生得秘錄異書五雷正法善

瘍科活人甚眾兼以道術決病人生死無不驗遠近神之年六

十八乾隆初卒許旦復冬心盧雜鈔

溫睿臨字鄰翼一字令貽號晒園輯里人康熙乙酉舉人以詩

古文雄于時性伉直好面折人過遊京師卿相皆敬禮之縣志移

書禮部侍郎嚴我斯謂國學不可無人才因上其議適回籍議

遂寢府志雅意著述與四明萬斯同交善時斯同方佐輯明史語

睿臨曰鼎革之際事變繁多金陵閩粵播遷支柱歷年二十遺

事零落及今時故老猶存遺文尚在可網羅也子盍輯而志之

成一書乎睿臨曰諾在京邸無事因錄得野史數十種薈萃成

書題曰南疆逸史工於敘述具有史裁所著晒園文集多有關

於學術掌故民生利病不為空言縣志

沈國正字滄孺號元吉安吉籍康熙癸巳歲貢任臨海訓導課

諸生甚勤與石門吳之振善館黃葉村莊參訂宋詩鈔著有論

文一則為陸隴其所賞載困勉錄卷首縣志

紀廷輝字虞求號牧庵少讀書能詩好拳勇善騎射縣志勇于任

事曉寒樓雜憶膽識絕人能為人所不能為雍正己酉武科舉人江

南興武衛千總加守備銜嘗請帑以濟丁力幾獲重譴不顧卒

得請而止後居鄉親族有不平事輒為匡救不避怨尤乾隆辛

已夏溽有殷大梁者穉而魯齋簪珥質錢與質庫爭質庫訟之
 通判周承芳誣大梁拐竊煨煉成獄兩日用三夾棍大梁垂斃
 廷輝聞之面質承芳抗辯不屈承芳怒以毆辱官長具詳廷輝
 上控巡撫檄府提究事得雪自是始有分防衙門永不許用夾
 棍之例縣志紀氏祖墓在箋二圩法華庵左墓前餘地率為族中
 無力者厝冢堆塞幾無行路廷輝慨之因商之族人買蒸二九
 蓮庵基將所有厝冢盡遷於彼處墓道為之一清時里人夏源
 恆謂之曰君此舉於族人則有功於己則不免有損廷輝毅然
 不顧曉寒樓雜憶

閩南仲字子襄又字湘人號耐庵又號石漁宮保尚書洪學孫
 凌忠介義渠之壻也少英敏舉目數行下博綜書史務求貫穿

性豪邁不事生產家中落由晟舍遷溽賃廬而居至不聊生有
 踵門請業者引文徵獻娓娓不倦好音律工詞曲嗜吟詠操管
 立就著述頗富沒後三十年同里潘尚仁得其集為之刊行汪志
 紀星字含譽號青巖工繪山水幼育于董氏故書款每稱董星
 紀零縑短幅人爭得之顧家有升斗儲輒不肯輕作人伺其匱
 乏僵臥挾所有往瀆始披衣立風雪中揮灑數紙并善手搏有
 女亦善畫及手搏適諸生温衣點汪志

薛觀奇工醫術當時稱為神手子景熺字瞻文亦精醫江浙推
 重兼擅星命之學里中以醫名者康熙雍正間有王九牧嚴雲
 衢王大聲並善痘科乾隆初有紀用思字我揚得九牧之傳後
 又有紀堯年字龍劍號長春府學生汪廷業字立人號笠人舊

籍歛縣後為潯人兼工詩馮步青字觀顏歸安學生西柵江蔣

人李宗賢按西柵外江蔣二遷居潯南亦能詩董如璧字觀南

董揚堦字升九號雨蘭並監生揚堦兼精劾魅驅邪之術汪志

董聞京字丹鳴號復園又號蘭樵漢策子廩貢生汪志敏而好學

弱冠通經史百子考授河南布政司理問董氏詩萃陞江西吉安府

通判時甫經兵後民據油田山險為盜聞京屏騶從單騎抵其

寨鞭酋長釋其餘黨咸請執耒而為氓正經界課積逋安置難

婦禁保正之科斂者為同僚媒藥削籍卒於江西汪志奕相字梁

禹號生洲漢策四子歲貢生歷義烏臨安上虞訓導潯溪詩徵清修

絕俗家日落而操益峻詩亦脫去塵埃歸絢爛於平澹有白太

傅遺格董氏詩萃延枋字準生漢策五子國子監生有葵園詩稿友

松字高容號鏡園漢策七子廩貢生詩徵幼有羸疾善攝生閉戶

默誦經史不預俗務晚歲以名德推重鄉里時遊吳越山澤以

適其志年七十一卒詩萃志林字岫存號萼園漢策八子例貢生

詩徵博通墳索千言咄嗟立辦始為詩以才藻自騁中歲削除華

艷約之以清婉有范石湖之勝詩萃師植字聖衣號汾園漢策九

子廩貢生候選訓導工詩文素行端慤汪志為外舅曹侍郎倦圃

所器重登高能賦往往於詩發之英辭古藻卓然自名一家詩萃

師植子文白字洛菲一字子猷號易庵雍正己酉順天副貢官

福建惠安場鹽課大使有易安詩集潯溪詩徵

方穀字碩公號學山銳志向學從唐灝儒先生遊研究經傳兼

工詩古文而書法亦遒勁食餼為名諸生學使汪公賞識之有

文超一郡字冠通場之語評之持身端慤謙和與契友賞奇析疑終日忘倦康熙間以歲貢廷試第二因心疾不赴選杜門纂輯藏于家著有吉花軒詩草范志

楊鳳岐居務前業負販貧無妻子母老好飲且喜古今事鳳岐晝役于市晚歸沽一壺談笑以悅其親母以餘酒餉之因且酌且唱高歌震鄰聲容俱備母亦罵亦喜日以爲常俗有呼李擔者亦居巷中一日忤母見者卽以其擔毆之李跪而泣曰我知改矣自是奉母甚謹不期年而母亡夜聞鳳岐高唱娛親必大慟曰悔無及矣汪志

董志階字升吉號素庵伯父暉字雲襄歸安學生父嶸字魯瞻監生自吳江八都同遷于潯兄弟並以友悌聞志階康熙乙丑

拔貢任建德訓導陞金華教諭早年樂善好施晚歲浮沈冷署家計日窘怡然自適勤以課士開誠化導膠庠咸愛慕焉汪志

王玉士本旌德人業漆工居潯祖病革玉士聞閔孝子割肝救父事遂懷刃禱漢壽亭侯像前剖腹出肝和藥烹以啖祖祖病立效而玉士已仆地殞絕一晝夜鄰媪夢綠衣偉丈夫持膏藥傅其胸尋得甦創口果合副將羅琦給孝烈格神扁額咸豐三年旌表順孫汪志

倪蘭字畹公先世由錢塘遷潯祖璠字魯玉附貢生任中書舍人遷工部虞衡司主事轉員外郎嘗注庾子山集以博瞻稱父灝字次淳號東湖蘭生有異徵年十二作文卽有奇氣母顧氏病篤蘭籲天求代語其兄菜曰倘母有不測吾必不生顯親揚

名是在兄矣越二日母卒既視飯舍即潛往密室自縊時康熙庚寅六月廿二日也

汪志

紀遠字無遠一字子深號白雲山人原名遠字亮工濂元孫博聞強識嗜酒工詩文善草書性不諧俗從張雋董說遊盡得其讀書之法晚年始補縣學生寓謝氏談昔齋悲歌痛飲往往漏盡雖窮愁老病而氣不少衰康熙壬辰正月六日夜半就寢爐翻傷于火至十一日乃卒年七十從子官原名永成字遙集一字大韶號餘素事繼母以孝聞父歿訓誨幼弟以兄兼父分財產取瘠推肥行誼為宗黨推重亦從雋與說遊康熙壬子武科舉人屢試兵部不遇病瞽以詩酒終官從弟寅字大為號晴嵐康熙辛酉武科舉人江南徐州衛守備致仕歸篤好吟詠尤潛

心內典時與陸士涓潘尙仁夏封泰號歸田四老

汪志

官子端字

南表號菊存縣學生嫻吟詠其詩清新俊逸淵源有自

曉寒樓雜憶

董炳文字耿光號霞山衡子例貢生性慷慨戚友緩急無弗應解紛息訟不避怨言中年家落有告急者必委曲濟之繞屋種梅花嘯詠其下工詩餘書八分畫花鳥俱臻妙品子浩字扶搖初名南鵬字翰飛號南谷與族兄南江總齊名時號二南康熙庚子舉于鄉名益著無故得奇疾臥牀第七八年齋志而歿詩學宋人豪邁不拘頃刻可得千言養疴掃軌剝扉而談詩者戶外屢常滿也炳文族子嘉言字孔彰未之孫也居豐草庵自少嗜學所寫古書不下數千卷與歸安茅星來善星來精注疏之學有疑義輒往叩之嘉言誦其辭琅琅如宿習覆按不遺一字

星來自以為弗若焉

汪志

董允文字斯在監生少孤事母至孝妻温氏亦淑慎允文母疾子婦周旋牀席不解帶累月兄歿遺孤十齡為之教養婚娶温脫簪珥以佐之康熙己丑歲飢官議設粥廠允文率先典貸賑給二日由是施者接踵咸豐三年旌表孝子

汪志

張鳴鈞字雙南號笠濱其先吳江橋下人父輯玉徙潯鳴鈞幼善事繼母康熙乙未進士由庶吉士授編修出為山東巡按輕車簡從撤供帳鼓吹不染一塵歷禮科給事中江南泰通道江寧驛鹽道河南按察使直隸布政使內調通政使順天府尹俱有政績在河南時課民植桑育蠶告歸後築稽五漾南灘石塘以衛圩田迄今賴其利居于明月橋南其季子遷於郡城西門

遂扁舟往來茗雪間人忘其為鄉大夫也

汪志

夏封泰字冠東號心谷龔孫父光遠字永賓號樂巖一號樂清康熙丙申安吉歲貢任永嘉訓導甌俗武健好勝諸生有以訟牒來者必告以情恕理遣士風為之不變邑之紳士即學旁創生祠繪像焉嘗增輯潯溪文獻封泰歸安籍雍正甲辰進士直隸任邱知縣修趙北口隄道免地丁之苛派平旗民之訐訟嚴治捕役窩盜者緣事解任旋開復補湖北麻城知縣讞命盜諸案以明允稱宋埠民因獲拐聚謀爭毆送鷺籠司人船解縣察其非真因憶康熙壬寅吾潯為指拐激成大案或即開釋人疑易致激變謬諭眾曰拐有良藥俟其性過刑訊因密屬典史散禁傍晚提審據稱黃岡平民來麻探戚船則黃岡編號常來宋

準裝載因移回黃岡取結備案據實詳釋乾隆甲子丁卯兩充鄉試同考官告病歸究心經學老而不倦年八十五卒初隴妻黃氏夢有五岳入門之祥光遠適舉五子因以五岳命名長卽封泰次開衡字弁南康熙戊戌進士點清書庶吉士授編修預修一統志及省方盛典雍正二年甄別詞臣襄錫品行端方學問淵邃充三朝國史纂修官卒于京次中嵩字望中縣學增生次載華字指西號蓮峯例貢生四川安縣知縣次源恆字冀北縣學生

汪志

袁大周初名昌齡南柵人以瘍醫自給廿七歲喪偶不再娶撫幼弟教弱子皆有成父歿母孫氏年七十一病危篤彷徨無措昏悶中若有告之者曰服龍肝湯可瘳忽念己生年在辰辰龍屬也得非神命我剝肝乎乃以刀剗胸左偏深寸許以指剗取中熱如沸湯不得入昏暈而僵旋似有趣之起者驚視創處肝已突出遂割之作湯以進疾良已越數日近出過橋失足顛于橋下創裂暈絕子宗耀亟往抱持歸解衣見胸次束以帛血斑斑然漬其上猶新涕泣固請始言之子倉皇延醫用善藥敷治莫效夜又若有告之者曰服藕汁可愈如言而創始合知縣羅憐聞之親式其閭他日有訟其子不孝者有司訊于市延大周並几坐指以示其子曰此剗肝袁孝子也居同里而不知所效耶杖之大周爲憮然者累日越十二年而卒其母後一年乃終曾孫沂字仰曾家貧業醫請餘姚盧文昭作文紀其事咸豐三年旌門道光中有陳冠羣字景山居皇御河父病剗股以療

而人魁知者又有汪隆一名繼發本楊氏子隨母改適汪氏居馬家港鬻草器養母以孝聞母年九十餘病歿隆泣血年餘竟以毀卒汪志

董熈初名臣燮又名熈字謂瑄一字訥夫號南江漢策孫汪志師

植子潯溪詩徵縣學生嘗從儀封張清恪公伯行得其指授遊外祖

曹溶之門倦圃所藏人間不經見書熈獨窺之故學有原本文章撥華就實歸於大醇詩自漢魏以下手定甲乙丹黃無虛日

尤得力於韓杜著述甚富雍正中詔舉博學鴻詞甲寅乙卯間

府縣兩舉熈名固辭不獲乃就試皆罷歸汪志鍵戶讀書惟日不

足陳世修渡江小稿序而寒齋講授蕭然自得一門之內自為師友雖間

有酬唱而絕去譁眾借交之習周龍藻南江詩集序晚年名益高而接引

後進先器識後文藝嘗為松陵書院山長有經師人師之目乾隆十二年卒年六十八學者私謚端文先生子豐垣字壑之號

菊町辛未進士歷任安徽建德河南扶溝知縣博覽羣書得力

於庭訓而貫穿六經析疑辨誤闡及精微癸酉充江南鄉試同

考官主試以經術湛深重之卒于官金城字亢之號少客熈第

四子乾隆辛酉拔貢生少力學異思壯采驚其長老暇則掌錄

文選及王韋韓柳東坡遺山本朝王新城朱秀水之作博覽兼

採著有少客詩集兩卷年三十五卒內外宗悲感不置云潯溪詩徵

歲丙午有縣學生肇鐘字金奏號梅圃增訂南潯鎮志熈之從

孫也汪志師植四子懋昭字鑑平一字慶霄潯溪詩徵少具高才試輒

高等補歸安廩生前後受知於督學彭公始搏汪公珩巡撫朱

公又薦於場屋不第初熈作詩鑑平亦爲之選錄漢魏至元明詩而涵泳有得落筆有規矩與熈俱以詩名年三十二而天

董氏

詩萃

董炎初名臣煥字蘇門號堅齋熈弟寄籍直隸滄州雍正癸卯拔貢官學教習選湖南華容知縣卽於是年己酉中順天舉人因已得官赴楚蒞任華容頻遭大水隄防傾圯下車卽晝夜巡邏畚鍤之事必身先之調新甯又補綏甯地連苗徭時當進剿初平官軍駐防星羅棋布遂分苗產苗基以撫卹之酌夫家之眾寡給旅卒之糗糧苗民每過輒叩首曰非董公吾族無遺種矣卒于官士民立祠祀之

汪志

曹大斌字曾三號敦山縣學生父爾价字德宏號鶴汀歲貢生

篤學能文老困場屋常館于外大斌少從母董受句讀閉戶讀

汪志

書性不屑屑以名利爲意博覽載籍尤專治史漢唐宋之文

攬菴山房漫記

心摹力追絕去聲色專以閒澹眞實爲宗苟非折衷經理闡揚善行者不肯妄爲人下筆又精于音學撰音白黑二卷

自一東以起取字之最易辨及最難辨者一一粗爲發凡分三十六母每母爲一篇專以平音一字爲主上去入卽魚貫而下俾欲審音者昭然若別白黑而無誤家故貧屋無定居常與謝洲寓市樓讀書喧呶擾攘若不聞者嘗一至嘉定及鹽城爲知縣程國棟修兩縣志於明季殉節諸人極力表揚之晚年遷於鄉友人董承勳爲武定知府延修府志甫脫稿而卒時乾隆十五年六十三門人私謚曰文貞先生

汪志

謝洲字文若父傑自餘姚遷潯居泰安橋東洲與兄潮字文來並從學于紀遠託業貿遷多與名流往還汪志有談昔齋疊石為

山酒朋詩侶時吟歎其間蜩庵瑣錄工詩古文洽聞周見遇有佳書

輒雇敏手寫置架上雖貧不輟尤好宋元明人詩文嘗與董熈

曹大斌評選其高下鈔錄成書可補宋文鑑元文類明文授讀

所未備雍正十一年卒年四十二姚石字亦山能詩與洲及王

起鵬齊名早卒石從子景熹字存之號蘭仙亦以詩名汪志其後

南潯有詩人孫世楷字維翰父徙蘇州以豆腐為業而世楷好

讀書善吟詠顏其室曰半巢事親孝與人交油然可親授徒里

中有賢聲人稱豆腐才子早卒縣志

王起鵬字翹如一作蕙如號溪堂少即儻不羣詩文敏妙雍

正己酉歸安拔貢 廷試以知縣用分發陝西任清澗知縣公

餘之暇不廢吟詠巡撫碩色深加獎異遂薦舉博學鴻詞惜未

獲售尋卒于官汪志

董承勳字對揚號芭堂又號白巖居士漢策孫承勳雍正己酉

副貢覺羅官學教習以知縣揀發直隸署元城魏縣補良鄉縣

陞遵化知州擢山東兗州知府調武定府又改青州府陞分巡

天津道按察副使又陞長蘆鹽運使乾隆二十二年卒在官興

水利省徭役治土棍劇盜所至以廉能稱守兗時值歲大祲詳

請蠲賑七上不行復欲具詳或有以危言進者承勳曰守以養

民不養何以守為復上卒得請奸民陳秀誘集饑民數千人匿

泗水縣之黃山寨石虎洞晝則散行乞食夜則明火劫糧事巨

測承勳輕騎夜掩其巢擒秀等數人令饑民期以某日集城中
開倉受穀眾即立散知縣某執賑穀一千三百石之原議且以
未及期難之承勳曰如此罄罄何可拘於常格設有累余身任
之即日盡發倉穀七千餘石計口均給全活無算雖以是調簡
不悔也京城向無吳興會館春秋試士每苦僦居捐資置屋於
宣武街實創始焉汪志

徐宏達字雲階一字行達廩貢生候選教諭建義塚造橋梁施
藥助棺收廢書之糊蠶箔者又以素紙易婦人夾綫書焚之乾
隆己未知縣羅愨創建育嬰堂于清源門宏達及子貢生祖彬
捐田三十畝助之愨標其名於旌善亭及乙丑育嬰堂添置乳
房祖彬復捐資焉同時有沈子言居西柵嗜佛好善東藏寺金

剛會施觀實為領袖汪志年七十餘卒范志紀月峯字山書號恂夫

歸安學生性樂為善見道棄嬰兒惻然憫之與諸同志醮資設

留嬰堂又倡為放生惜字諸會羅愨以善人稱之汪志

陳可升字日如號補亭生遭坎懷詩多哀怨之聲幕遊南北嘗

客潘南林太守尚仁署溇溪詩徵尚仁字安之號似山國子監生河

工效用歷官河南懷慶河捕通判開封北河同知奉天錦州知

府有蘇門山人詩鈔同選刻閔石漁寒玉居集碎金集二卷陳可

升題閔石漁先生續集小序

俞從龍字翰飛縣學生溇溪詩徵落落寡交惟與二三知己操觚吟

諷攬菴山房漫記有在竹居詩稿一卷詩徵子蛟門潮輯錄孫問渠名彬

字雅瞻閱歷既深持躬益謹恆以柔克為用晚年嗜閱內典日

誦佛號常語人曰此可收放心爾道光己亥年七十而卒亦我溥之隱君子也

攢菴山房漫記

南溟志卷十九終

志 南溟志卷十九終

